

ANDRIAMANITRA TSY AZO TSARA

 Ny Tompo hitahy anareo. Mivavaha ho ahy, izao hariva izao. Nahazo rotsan-korana kely isika, ampy hampangatsiatsiaka, izay ankahasitrahantsika; ary matoky aho fa hanana ny iray amin'ireo rotsan-korana ara-panahy isika ato anatiny mba hanampy kely antsika.

² Mino aho, Rahalahy Neville, raha atodikay mankany aminao izany. Ahoana ny amin'izany? Eo am-piresahana aho, dia lasa kely... mahazo an'io rivotra io eo amiko ary avy eo aho... ity lohako sola ity no mamela an'izany hidina ary manentsina ny tendako.

³ Ankehitriny, nanao filazana iray aho... ho an'ireo fanontaniana sasantsasany izao hariva izao, sy ireo valiny mba ho karazany fotsiny... Ny antony anaovantsika an'izao dia mba hahitana kely fotsiny an'izay ao am-pon'ny olona.

⁴ Heveriko fa tena tsara ho an'ny pasitera iray ny-ny milaza an'izany, ary amin'izay fotoana izay dia hitany mihitsy ny mikasika an'izay heverin'ny olona raha hanoratra ny fanontaniany izy ireo, manana zavatra iray izy ireo. Ary heveriko fa ny tsirairay avy amintsika dia manana andraikitra hampahafantatra an'ireo eritreritsika amin'ny pasiterantsika sy-sy ireo mpitarika ara-panahintsika, sy ny sisa, ary ny zavatra izay hitantsika, mba ahafahantsika manao ny zavatra rehetra handeha milamina sy tsara, ary nohon'ny amin'ny Fanjakan'Andriamanitra.

⁵ Ary avy eo aho... hatramin'ny teo amin'ny antsasak'adiny teo dia nanana teo amin'ny roa na telo teo fotsiny aho izay izaho... Billy no naka taorian'ny fotoana aninkeo maraina ary izy no nitondra azy ireo ho ahy. Ary avy eo aho dia niditra ka nianatra teo amin'ny Soratra iray, nihevitra aho fa hiresaka kely avy eo izao hariva izao, satria efa nolazaiko ilay izy, sy hoe ho eto aho. Ary avy eo dia niantso ahy izy minitra vitsy lasa izay, nanao hoe, "Hazony fotsiny ilay izy, manana eran'ny tånana aho ankehitriny."

⁶ Noho izany dia hiezaka aho ny hiditra avy hatrany eo amin'ireto ka hamaly azy ireo amin'ny tsara indrindra amin'ny fahalalako. Ary avy eo raha mahavita ara-potoana aho, dia manana lahateny iray izay tiako ho—ho resahina mandritry ny roapolo na telopolo minitra fotsiny angamba, lahateny fohy iray fotsiny.

⁷ Ary noho izany, tsarovy, raha sitraky ny Tompo, amin'ny Alahady maraina manaraka dia te-hanao ny tsara indrindrako aho, nohon'ny fahasoavan'Andriamanitra, mba hanazava an'Ireo Fitopolo Herinandron'I Daniela. Araka ny nolazaiko aninkeo

maraina, hoe Soratra iray lehibe izany. Ary ilay izy dia tsy hoe miresaka be loatra, fa ny mameetraka azy eo amin'izay misy azy, mba hanao azy hifanarakaka amin'ny sisa amin'ny Baiboly.

⁸ Ary efa nanomboka tamin'ny Apokalypsy 1 isika, tonga hatrany amin'ny toko faha-6. Ary, mazava ho azy, tonga eo amin'ireo Tombokase fito farany isika ankehitriny. Ary ireo Tombokase ireo dia hanomboka eo amin'ny faha-6, ny ampahany farany an'ny toko faha-6, hatrany amin'ny toko faha-19, tafiditra. Noho izany dia hila fotoana ela izany. Ankehitriny, izaho dia afaka maka, atao hoe, hariva fito, ka mandeha eo amin'Ireo Tombokase Fito, manokatra azy ireo. Saingy raha tahaka an'izany no anaovanareo azy, amin'izay fotoana izay ny olona dia ho diso an'ilay ampahany lehibe *eto aoriana eto izay mamenno an'ity*. Ary raha tsy tena nampianarina marina tokoa izy ireo, dia mety tsy ho tsara ilay izy. Fa ny telo na ny efatra voalohany amin'izy ireo dia zava-mitranga fotsiny izay azontsika raisina tsara mihitsy, tonga ao amin'ny laharana iray fotsiny; fa ilay manaraka an'izany, amin'izay fotoana izay dia tsy maintsy miverina ao amin'i Daniela indray ianareo, miverina any amin'ny Genesisy, miverina any amin'ny Apokalypsy, miverina mankao amin'ireo Filazantsara, ary manangona an'izany ao fotsiny, satria izany no dian'ny Isirael, Andriamanitra mifanarakaka amin'ny Isirael. Satria rehefa miakatra ny Fianganana, dia izany no farany ny amin'ny Fianganana mandra-Piveriny miaraka amin'Ny Tompony amin'ny maha-Ampakarina sy Mpampakatra ao amin'ny toko faha-19; mandritr'io fotoana io dia fifanarahana amin'ny Isirael ilay izy. Ary mampiditra an'Ireo *Fitopolo Herinandron'I Daniela* ankehitriny, izany no manomana an'ilay sary ho an'ity fanokafana manaraka ity, Tombokase Fahlenina.

⁹ Noho izany dia nieritreritra aho, raha sitraky ny Tompo, izaho... amin'ny Alahady manaraka aho no hiresaka eo amin'izany. Raha tsy mahavita aho ny Alahady maraina, amin'izay fotoana izay dia hiezaka hahavita azy indray aho ny Alahady hariva. Ary izany no hanokatra ny lâlana amin'izay fotoana izay, raha hitarika antsika ny Tompo, dia tsy voatery hijanona eo amin'io ampahany io isika, hiditra avy hatrany isika eo amin'Ireo Tombokase Fito ary hanohy eo amin'izany raha mbola mahita ny Tompo mitarika foana isika.

¹⁰ Ankehitriny, izao hariva izao dia manana fanontaniana sasantsasany isika, ary matotra izy rehetra, fanontaniana maotina. Nisy anankiray eto izay tiako resahina voalohany, vetivety fotsiny. Izany dia olona iray nanontany... Tsy fanontaniana ilay izy, olona iray nanontany ahy fotsiny.

Aiza ireo fanalahidiko? Azafady teneno amiko.

¹¹ Izy ireo—veriny izy ireo tamin'ity tolakandro ity. Ankehitriny, teneniko aminareo, herinandro vitsy lasa izay, teo

amin'ny andro vitsy lasa teo dia teto amin'ny tabernakla aho... Fahazarako ny mandeha mivavaka ary miandry ny Tompo sy hahita hoe taiza ireo zavatra ireo ho an'ny olona. Hitako ireo fiaran'ny olona. Ny Tompo no niresaka tamiko hoe aiza ireo olona no... .

¹² Tonga teto Rahalahy Welch Evans ary veriny ny fiarany, nisy olona nangalatra azy tany Louisville. Izy sy Rahalahy Fred Sothmann ary ny sasany tamin'ireo rahalahy... Rahalahy Tom Simpson, mino aho, dia teto tamin'io andro io. Na teto ve ianao, Rahalahy Tom? Ary tonga tany an-trano izy ireo, ary tany Rahalahy Evans tsy nanana fiara, tsy nanana fitafiana, ny zavatra rehetra izay nananany dia tao anatin'io fiara io. Ary nijanona tao amin-dry Miller izy ireo ary nisy olona iray naka an'ilay izy.

¹³ Eny, manana fanambakàna iray isika na antoko any Louisville, izay mangalatra an'ireny fiara ireny ary mitondra azy ireny mankany Bowling Green na any ho any tahaka an'izany ka mandoko azy ireny indray. Ary any Kentucky dia tsy voatery hanana taratasy iray ianareo, na ahoana na ahoana, ho an'ny fiaranareo, ary afaka manova an'ireny fiara ireny ao anatin'ny minitra vitsy izy ireo ka mivarotra azy ireny amin'ny fomba itiavan'izy ireo azy.

¹⁴ Eny, Rahalahy Evans niaraka tamin'ny fiara keliny sy izay rehetra nananany tao anatin'y, ka ny Tompo no nanome ahy ny valiny ho an'izany. Ary talohan'ny nahatongavan'izy ireo tany an-trano mihitsy aza, dia nipetraka teto ilay fiara saiky lany sasaka ny lasantsy, fa Nahodiny teo amin'ny lèlana nankany Bowling Green izy ireo, ary nitondra azy ireo niverina ka namerina an'ilay fiara teo mihitsy niaraka tamin'ny zavatra rehetra tao anatin'y, tsy nisy zavatra iray tsy tao, ny lasantsy izay nampiasain'izy ireo fotsiny.

¹⁵ Matetika ny olona dia milaza fa ireo zavatra *sasany*, ary nanontany izy ireo, dia nandeha teo anatrehan'ny Tompo aho ary niandry an'ireo fahitana ireo, ankehitriny, miandry mandra-pahatongan'izy ireo. Saingy hitako fa nitondra vato manafintohina lehibe teo anatrehan'ny olona izany. Marina tokoa, ny vahoakan'i Amerika dia tsy vonona ho an'ny asam-panomoana iray tahaka an'izany, ireo fiangonana. Marina izany. Izany dia—izany dia any ankoatry ny fotoan'izy ireo. Hitanareo? Ary izany no mahatonga ny zavatra rehetra, ny sasany dia miantsosy anareo hoe “devoly,” ny sasany miantsosy anareo hoe “momba ny fanahy,” ny sasany miantsosy anareo hoe “zanak’Andriamanitra,” hoe “andriamanitra,” sy ny sisa. Hitanareo? Noho izany dia nampanantena ny Tompo fotsiny aho fa havelako handeha izany ary hiandry fotsiny ka hampiasa an’io asam-panomoana io any Afrika na eo amin’ny fifampiresahana manokana rehefa manana azy ireo aho eto.

¹⁶ Ankehitriny, eto izahay ho an'ireo fifampiresahana manokana, izay mbola mitohy foana eo amin'ireo zavatra tahaka an'izany. Fa... Ary ny fomba ahazoana azy ireny dia tsy ny tonga eto am-piangonana, mandehana mankao amin'ny sekreteranay, ny zanako lahy, Billy Paul, ary izy no hanome anareo ny kely... tapakila iray miteny aminareo hoe rahoviana marina no hisy ilay izy sy ny sisa. Ary ny zavatra rehetra tahaka an'izany, izay eo amin'ny fifampiresahana manokana, eto na any amin'ny saha, dia amin'ny alàlan'izany fanao izany irery ihany no ahafahany ho tonga. Misy ny—ny tabilao iray mamoaka an'izany, na boky iray, na naoty iray eo amin'ny tabilaon'afisy ao, ny amin'ny hoe ahoana no anaovana an'izany. Fa ny miakatra eto amin'ny lampihazo fotsiny...

¹⁷ Ankehitriny, manana an'ireo fanomezam-pahasoavana isika ao amin'ny fiangonana. Manana an-dRahalahy Neville isika eto izay nahazo ny fanomezam-pahasoavan'ny faminaniana. Rahalahy Higginbotham mipetraka eto, izay manana ny fanomezam-pahasoavan'ny fitenenana amin'ny fiteny tsy fantatra sy fandikana ny fiteny tsy fantatra. Hanoro hevitra anareo aho... Hivavaka aho mba hanomezan'Andriamanitra anareo ny fanalahidinareo, saingy izaho—manoro hevitra aho angamba fa raha hiresaka ny Fanahy Masina izao hariva izao, angamba, amin'ny alàlan-dRahalahy Neville na Rahalahy Higginbotham, na ny sasany amin'ireo fanomezam-pahasoavana ao amin'ny fiangonana, izay ananantsika an'ireo fanontaniana sasany afaka minitra vitsy, izay mety anaovan'izy ireo an'izany angamba.

¹⁸ Fa, ho an'ny tenako, dia nanao fampantanantenana iray tamin'Andriamanitra aho, tsy eto Amerika ao amin'ny favoriana ho an'ny besinimaro intsony, hitanareo, satria izany no nanao ahy hiala amin'ny saha. Ary avy eo ny sasany dia hanao anareo mihitsy ho—ho “devoly,” ny sasany hanao ho “andriamanitra.” Ary noho izany dia hitanareo, ary tsy vonona ho an'izany fotsiny izy ireo. Ary noho izany dia tsy afaka miasa Andriamanitra, ary azoko antoka fa hahazo ilay olona izay nanontany an'izany. Ankehitriny, angamba ny Fanahy Masina izao hariva izao dia mbola... Aoka hivavaka fotsiny ianareo. Hivavaka aho mba hanehoan'ny Fanahy Masina aminareo mihitsy an'izay misy ny fonosan'entanareo izay andrasanareo. Mivavaka aho mba hahitanareo an'izany, ary tena mino aho fa ho hitanareo izany. Hitanareo?

¹⁹ Ary...fa ankehitriny... Ary noho izany, ankehitriny, Billy Paul, raha misy olona manana zavatra iray tahaka an'izany, raha hiantso azy izy ireo, dia handefa azy ireo any am-piangonana izy, hiezaka aho ny handray an'ireo zava-misy hamehana rehefa any an-trano.

²⁰ Ankehitriny, ndao isika, ankehitriny alohan'ny hanatonantsika an'ireto fanontaniana ireo... Voalohany, tiako

ny hilaza fa ny fanontaniana rehetra izay tsy mifanaraka amin'ny finoanareo na ny...ao amin'ny Baiboly, raha tsy mifanaraka amin'ny Teny izany, amin'izay fotoana izay dia tsy voatery handray an'izany ianareo. Ary mba ahafahako mandeha ary ahatongavako eo amin'ilay lahateny koa angamba izao hariva izao, dia tiako ny handroso ka hamaly azy ireo sy ireo izay heveriko fa—fa ho valiana ara-tSoratra, eny, hamaly azy ireo aho, ny zavatra rehetra izay vitako. Fa vao azoko izy ireo minitra vitsy lasa izay, ny rehetra afa-tsy anankitelo, ary tsy nisy tamin'ireo anankitelo ireo nanana ny... Ireo zavatra kely fotsiny mikasika olona iray izay nanonofy nofy iray na zavatra iray, miandry ny hahafantatra raha tokony ho tenenin'izy ireo ilay izy, na zavatra hafa tahaka an'izany, hitanareo.

Noho izany dia ndao isika hanondrika ny lohantsika raha manatona ny Famindrampony isika.

²¹ Tompo, izahay dia Vahoakanao izay nantsoina tamin'Ny Anaranao. Ary tena faly izahay izao hariva izao ny mahafantatra fa manana Ray iray any An-danitra izahay izay miambina anay sy miahy anay, ary tia anay amin'ny maha-Zanany malalany Manokana. Ary faly toy izany koa aho, Tompo, fa voaisa miaraka amin'ireto olona ireto aho, ho rahalahiny, ary izy ireo no rahalahiko sy anabaviko. Tena mankasitraka aho.

²² Misy anankiray, Tompo, izay nahavery fanalahidy sasantsasany. Ianao no mahafantatra marina hoe aiza izy ireo no mipetraka. Mivavaka aho mba Hanambaranao an'izany sy hitondranao azy ireo avy hatrany any amin'ireo fanalahidy ireo. Zavatra iray sarobidy amin'izy ireo izany, ho an'ny fiaran'izy ireo izany. Ary mivavaka aho, Ray, mba Hanekenoa an'izao fangatahana izao ho an'ireo olona ireo.

²³ Mivavaka aho ankehitriny mba Hitahianao ny pasiteranay, Rahalahy Neville malalanay. Tena faly izahay ny mahita Anao miasa eo afovoanay ao amin'ireo fanomezam-pahasoaavana arapanahy lehibe ireo ao amin'ny fiangonanay, ilay ampanahy'ny vatan'i Kristy izay manompo eo amin'ity zoron'ny Eighth sy Penn ity. Tena faly izahay ny voaisa miaraka amin'ity vondron'olona ity, sy mahafantatra fa manambara an'ireo tsiambaratelo amin'ny Olony Andriamanitra. Mivavaka aho mba Hitahianao an-dRahalahy Neville, ny pasiteranay, sy Rahalahy Higginbotham, Rahalahy Funk, Rahalahy Junior Jackson, ary ireo anabavinay, izay miteny amin'ny fiteny tsy fantatra ary manome an'ireo fandikana. Mivavaka izahay, Ray, mba Hanohizanao maneho ny Tenanao amin'ny alàlan'ireo fanomezam-pahasoaavana lehibe ireo, mba hahatonga ny fiangonanay ho fantatra ho fiangonana ara-panahy iray, izay ahafahan'ireo olona izay reraka ho tonga ka hipetraka ao amin'ny Fanatrehan'Andriamanitra Tsitoha ary hahafantatra fa miteny Izy ary manambara an'ireo tsiambaratelon'ny fo.

²⁴ Ary, Ray, mivavaka aho mba Hitahianao anay izao hariva izao amin'ny famaliana an'ireto fanontaniana ireto. Ny sasany amin'izy ireo, Tompo, dia malemilemy, ary ny sasany amin'izy ireo dia mahery. Ho an'ny tsirairay avy izay nametraka ny fanontaniana, dia fanontaniana iray mahery ilay izy. Izany dia zavatra iray izay ao am-pon'izy ireo, mila an'izany ho voalamina izy ireo. Ary, Ray, izahay rehetra dia tsy ampy amin'ireto andraikitra ireto, saingy fantatray fa Ianao dia mihoatra lavitra noho ny ampy. Noho izany dia mivavaka izahay mba Handikanao an'ireto fanontaniana ireto aminay, mba ahafahanay manome ho an'ny olona ny valiny marina, mba ahafahan'izy ireo ho ampiana ary ny fiangonana hisandratra, ny Anaran'Andriamanitra ho hajaina.

²⁵ Ankehitriny, Ray, raha izany no Sitraponao, dia mivavaka aho mba Hifanarahanao aminay amin'ity herinandro ity sy hanampy ahy raha mianatra eo amin'ity *Fitopolo Herinandron'i Daniela* ity aho, mba ahafahako amin'ny Alahady heriny maraina, raha izany no Sitraponao, hanokatra ny Soratra ho an'ireto olona ireto. Andriamanitra, ekeo izany, mba ho velombelomina ny fanahin'izy ireo. Ampianaro, Tompo, ireo izay mikatsaka zavatra lalina. Vonjeo ireo izay very. Sitrano ireo izay marary. Miandry Anao izahay rehetra, Ray. Amin'ny Anaran'i Jesosy. Amena.

²⁶ Ankehitriny, ity fanontaniana voalohany ity dia tsy tena fanontaniana iray marina, ilay izy dia zavatra kely iray fotsiny ho...Hono ho'aho, mitsangana akaiky loatra an'ity ve aho? Manjavozavo ve izany, ery aoriana amin'ny farany ery? Raha manjavozavo ilay izy, dia atsangano ny tànanareo.

132. Rahalahy Bill, azafady milazà zavatra iray mikasika an'ireo ankizy sy lehibe izay tena mitabataba amin'ny marai-...mandehandeha mandritry ny fotoana. Mila lesona sasantsasany mikasika ny fanajana ity tabernakla ity.

²⁷ Amena! Rankizy, tsy fantatrareo ve hoe ahoana no hitondranareo ny tenanareo ato an-tranon'Andriamanitra? Tsy fantatrareo ve fa toera-masin'Andriamanitra ity? Andriamanitra dia ao amin'ny Tempoliny masina, aoka ny olona rehetra hijanona hangina. Izao no toeran'Andriamanitra izay ahatongavan'ny olona, isaintsainany, ezahany hahita famonjena ho an'ny fanahy; ezahany hahita an'ireo olan'ny fiainan'ny olona, ezahany hanampy olona. Ny kely indrindra azonareo atao dia ny hanaja, hipetraka tsara. Makà rano fisotro ho anareo alohan'ny anombohan'ny fiangonana, fantattro fa tsy maintsy mahazo fisotro ireo madinika kely. Ireo reny izay manana an'ireny ankizy kely ireny, raha hipetraka eny akaikin'ny farany ianareo, dia hazony hipetraka tsara mihitsy arak'izay azo atao izy ireo. Ary tsy tokony hisy bitsibitsika mihitsy, bitsibitsika anankiray mihitsy. Meloka isika rehetra. Fa rehefa vakiana ny

Baiboly ka miditra eo amin'ny polipitra ny mpitoriteny, dia tokony hangina isika, miandry ny Tompo. Ankehitriny, andramo ny manao an'izany azafady.

²⁸ Fantattro, ianareo ankizy kely, tsy maintsy miolanolana kely ianareo. Fa, raha manao ianareo, ataovy fotsiny ilay izy—aoka ho tena mahafinaritra fotsiny. Ary, tsarovy, tsy tian'i neny hanao an'izany ianareo, ary tsy tian'i dada hanao an'izany. Ary noho izany . . .

²⁹ Ary fantattro, izaho dia manana ankizy kely, ihany koa, izay miolanolana, ary Joseph. Ary hoy i Meda hoe, “Tsy mahazo na inona na inona avy amin’ny fivoriana aho, miezaka mihazona an’i Joe hipetraka tsara.” Eny, miezaka manao an’izany izy mba ahafahan’ny olon-kafa iray hahazo zavatra avy amin’ny fivoriana. Hitanareo?

³⁰ Ary tantsika foana ny hifanaja, hifanome haja. Ary, ambonin’ny zavatra rehetra, omeo haja Andriamanitra ary omeo haja ny Tranony.

Ankehitriny, ity fanontaniana manaraka ity dia:

133. Ireo ankizy anankiroa, enina hatramin’ny valo taona, dia teto amin’ny alitara aninkeo maraina. Firy taona no haingana indrindra tokony hanaovana batisa azy ireo?

³¹ Haingana arak’izay vitanareo mihitsy. “Mibebaha avy hatrany ary aoka hatao batisa,” izany dia, amin’ny Anaran’i Jesosy Kristy. Ankehitriny, izany no fanontaniana nomerao iray. Hanoro hevitra an’izany aho. Fa hitantsika ao amin’ny Soratra . . .

³² Hoy ianareo hoe, “Ara-tSoratra ve izany?”

³³ Rehefa nitory teny i Petera tamin’ny Andron’ny Pentekosta, dia fanahy telo arivo no voavonjy ary natao batisa tamin’ilay fotoana iray ihany mihitsy. “Izay nino ny Tompo dia natao batisa.” Noho izany vantany vao mino ny Tompo ianareo ka manaiky Azy ho Mpamponjinareo, dia mandehana avy hatrany mankeo amin’ny rano ary ataovy manomboka eo avy hatrany ny fiaikenareo; tanora na antitra, tsy mampaninona na iza izy.

³⁴ Hoy ianareo hoe, “Eny, mety ho tena tanora ireo ankizy ireo.”

³⁵ Hoy Jesosy hoe, “Avelao ireo ankizy kely hanatona Ahy, aza raràna izy ireo, fa an’ny toa azy ny Fanjakan’Andriamanitra.” Tsy ho sahiko ny hanakana ny tånako tsy hipetraka eo amin’ny ankizy iray izay te-hanatona ny alitara na hatao batisa, amin’ny taona rehetra, tsy ahoako na firy taona izy ireo.

Ankehitriny ny fanontaniana nomerao roa.

134. Ny mpitoriteny sakaizanay iray dia manao batisa amin’ny anaran’ny “Ray, sy ny Zanaka, ary ny Fanahy Masina.” Ho hazonina ho tompon’andraikitra ve izahay nohon’ny tsy fitenenana aminy ny fahadisoany?

³⁶ Mino aho, amin'ny maha-Kristiana iray, amin'ny maha-andraikitra iray, ary raha sakaizanareo manokana iray izy... Tsy hoe hanao adi-hevitra iray aminy; raha manao an'izany ianareo, amin'izay fotoana izay dia tsy marina ianareo, ny—tsy mety ny fanahinareo. Saingy raha tianareo io rahalahy io, fa tsy maintsy ianareo, satria hoy ianareo hoe, “Mpitoriteny sakaiza iray.” Noho izany... Tsy misy anarana voasonia eo amin'ny iray amin'ireto naoty ireto, tsy fantatroe hoe avy tamin'iza izy ireo, ireto fanontaniana ireto.

³⁷ Ankehitriny, hanoro hevitra anareo aho, na iza na iza ilay izy, raha manao batisa tahaka an'izany io mpitoriteny sakaiza io, ka mamangy azy any an-tranony ianareo sy ny sisa, izaho fotsiny dia—hilaza fotsiny an'ilay fanontaniana aho indray andro. Ary izany dia mety hanome anareo... Resaho fotsiny ilay izy, manohiza fotsiny miresaka somary mihodina, somary mihodina; ka avelao ny Tompo no hanokatra an'ilay izy, ary amin'izay fotoana izay dia ny Tompo no hiteny aminareo hanaovana an'ilay izy. Hitanareo? Miandrasy fotsiny mandrapanokatry ny Tompo an'ilay fanontaniana. Amin'izay fotoana izay ianareo dia milaza aminy, hoy ianareo hoe, “Rahalahy, manontany fotsiny aho, ao amin'ireo Soratra an'i Matio 28:19 sy Asa 2:38, sy mitohy hatrany, misy fifanoherana iray ve eo? Azonao azavaina ve hoe nahoana ity anankiray ity no nilaza eto hoe, ‘Ray, Zanaka, ary Fanahy Masina,’ ary ilay anankiray hafa nanao hoe, ‘Ny Anaran’i Jesosy Kristy?’”

³⁸ Ankehitriny—ankehitriny, aza manandrana... Raha tsy tena mpianatra iray marina tokoa ianareo, ka tsy fantatrareo izay resahanareo, dia tsaratsara kokoa ny mamela an'izany hipetraka tsara. Hitanareo? Teneno aminy fotsiny, manaova hoe, “Eny, maniry aho ny hahatongavanao...” Raha toy ny tso-po izy, dia manaova hoe, “Manontany aho raha afaka hihaona amin'ny pasiteranay ianao na olona iray ka hiresaka an'izany?”

³⁹ Teneniko aminareo, zavatra lalina iray izany. Hitanareo? Aza manankina an'ilay izy amin'ny tenanareo, satria mety hampihodinkodina ny tenanareo ianareo. Fa raha ianareo... Ankehitriny, raha fantatrareo izay resahanareo, ka voaorina mafy sy mahafantatra ny Soratra, dia mety tsara. Fa aza manafintohina azy, amin'izay rehetra ataonareo, aza manafintohina azy. Hitanareo? Aza mitondra fanafintohinana, teneno aminy fotsiny fa...

⁴⁰ Ary, mazava ho azy, ao anatin'ny fahadisoana izy. Marina izany. Ao anatin'ny fahadisoana ilay lehilahy raha manao batisa tahaka an'izany izy. Ny olona rehetra izay manao batisa amin'ny anaran'ny “Ray, Zanaka, ary Fanahy Masina” dia ao anatin'ny fahadisoana ara-tSoratra. Marina izany.

Fanontaniana nomerao telo.

135. Ao amin'ny filazana ny finoana, dia hoy izy ireo hoe, “Izahay dia mino Andriamanitra anankiray, Mandrakizay, izay misy ao anatin’ny olona telo: Ray, Zanaka, ary Fanahy Masina. Matio 28:19, 18 sy 19; Voalohany... Korintiana 13:14.” Tsy tokony ho asa telo ve izany raha tokony ho olona telo?

⁴¹ Marina ny anareo! Tsy misy olona *telo* ao amin’ny maha-Andriamanitra. Ary tsy mety ho maha-olona iray raha tsy olona iray, mila olona iray hanao maha-olona iray. Tsy misy Andriamanitra telo. Andriamanitra anankiray ihany no misy, ary io Andriamanitra io dia Jesosy Kristy. Andriamanitra dia Fanahy iray izay niaina tao anatin’i Jesosy Kristy, ary miaina ao amin’Ny Fiagonany (izaho sy ianareo) androany, mampisaratsaraka ny Tenany amintsika ao amin’ny endriky ny Fanahy Masina, izay Andriamanitra Tsitoha, Izy tenany, miaina ao anatinareo.

⁴² Ankehitriny, marina ny anareo, ilay izy dia “Ray, Zanaka, ary Fanahy Masina,” dia ireo asa telo an’ilay Andriamanitra iray ihany. Fa, tsy Andriamanitra telo, diso izany ara-tSoratra.

136. Afaka mandeha any An-danitra ve ny Kristiana iray raha izy (he) na izy (she) no tsy mandoa fahafolon-karena?

⁴³ Ankehitriny, izany no anankiray izay tsy azoko valiana, aratSoratra.

⁴⁴ Ankehitriny, ity “Ray, Zanaka, ary Fanahy Masina” ity, raha tso-po ilay mpitoriteny, aoka fotsiny—ampahafantaro anay fotsiny, hitanareo, ho faly izahay... Rahalahy Neville sy ny tenako, na Rahalahy Beeler, na Rahalahy Collins, na ny iray amin’ireto mpitoriteny eto ireto izay voatendry ho amin’ity asam-panompoana ity, sy ny sisa, dia afaka—dia afaka hanao an’izany.

Ankehitriny, fa ankehitriny: **Tsy handeha any An-danitra ve ny Kristiana iray satria tsy mandoa fahafolon-karena izy ireo?**

⁴⁵ Izaho—tsy afaka hilaza aho hoe “eny” na “tsia” ho an’izany. Saingy tena mino aho fa ny Kristiana rehetra dia voatery handoa ampahafolon-karena satria didy iray an’ny Tompo izany. “Ary sambatra izay... ireo izay mitandrina ny Didiny rehetra, mba hananan’izy ireo alàlana hiditra ao amin’ny Fiainana, ny Hazon’Aina.” Ankehitriny, tena mino aho fa ny fandoavana fahafolon-karena dia tena ilaina ho an’ny fahatsapana Kristiana iray. Satria ho tonga eo amin’izany aho ao amin’ny fanontaniana iray hafa afaka fotoana fohy, fantattro fa misy anankiray hafa ato mifandraika amin’izany.

137. Rahalahy Branham, voavonjy aho ary vita batisa tamin’ny Anaran’i Jesosy Kristy, saingy ahoana no hialako amin’ny fanahy mafy loha iray izay toa tsy vitako ny miala aminy?

⁴⁶ Eny, rahalahiko na anabaviko Kristiana, na mety ho iza ilay izy, ankehitriny, matetika rehefa mahita olona izay manana fanahy mafy loha ianareo, mazàna dia fiheveran-tena iray no mahatonga an'io, na ilay izy nolovain'izy ireo avy tamin'ny reny anankiray, ray, dadatoa, nenitoa, na renibe, raike, olona iray tahaka an'izany. Ary raha hiverina hanaraka manerana ny fiainanareo ianareo, dia hahita . . . Ankehitriny, efa nahazo an'io tamin'ny alàlan'ny traikefa aho, teo ambanin'ny famantarana, satria efa nihaona tamin'ireo zava-misy aho teto amin'ny lampihazo, an'arivony amin'ireo izay nanana an'io fanahy io. Ary ny zavatra voalohany fantatrareo, nihaza an'io fanahy io avy hatrany tamin'ny alàlan'ny famantarana aho ka nahita fa nisy dadabe iray, nisy renibe iray, nisy olon-kafa tany aoriana tany, ary nandova an'izany ianareo tamin'ny alàlan'ny natiora.

⁴⁷ Mafy loha, tsy avy amin'Andriamanitra ny fahamafisandoha. Ary ankehitriny ny fomba tokana hialana amin'izany dia tsy maintsy manana finoana handresy an'izany ianareo, hoe, Kristiana iray ianareo. Zanakalahy na zanakavavin'Andriamanitra ianareo, na mety ho iza ianareo na iza, ary tsy afaka hitsangana eo fotsiny mihitsy ianareo ka hiteny mafy an'izany sy hiteny mafy an'izany ary hiteny mafy an'izany. Izany dia toy ny mampitahotra bibilava mikorintsana iray, mipetraka eo izy vonona ny hanaikitra anareo. Raha hodianareo tsy fantatra fotsiny izy ary miala lavitra azy, dia tsy afaka handratra anareo izy. Hitanareo?

⁴⁸ Noho izany rehefa tsapanareo fa manana fanahy mafy loha iray ianareo, dia apetraho eo amin'ny alitara ilay zavatra, ary minoa an'Andriamanitra fa maty ilay zavatra ka tsy hanana azy intsony mihitsy ianareo, dia mandrosoa ary aza miraharaha an'ilay izy intsony akory aza, dia hiala aminareo ilay zavatra. *Tohero* ny devoly dia handositra anareo izy, izany hoe, "manalavira haingana." Koa izany no, ho toro-hevitro hoe ahoana no handresena an'izany. Mandresy ny devoly amin'ny finoana isika. Izany no andresentsika ny ratsy rehetra, dia amin'ny finoana.

138. Nahoana ianao no manao batisa amin'ny Anaran'i Jesosy Kristy eo amin'ny toeran'ny anaran'ny "Ray, Zanaka, ary Fanahy Masina"?

⁴⁹ Eny, tsy misy izany anaran'ny "Ray, Zanaka, ary Fanahy Masina" izany. Izany ilay antony. Tsy nisy olona tao amin'ny Baiboly hany natao batisa tamin'ny Anaran'ny "Ray, Zanaka, ary Fanahy Masina." Ny olona tsirairay ao amin'ny Baiboly, na telonjato taona eo amin'ity ilan'ny Baiboly ity, dia natao batisa tamin'ny Anaran'i Jesosy Kristy. Tsy nisy apostoly anankiray, tsy nisy Kristiana anankiray, tsy nisy fotoana anankiray izay ny "Ray, Zanaka, ary ny Fanahy Masina" no hany nampiasaina ho an'ny batisa mandra-pahatongan'ny fiangonana Katolika ho

voarafitra tao amin'ny Fivoriamben'i Nise, enina amby telonjato taona taorian'ny nahafatesan'ilay apostoly farany.

⁵⁰ Tsy misy izany anaran'ny "Ray, Zanaka, ary Fanahy Masina" izany. Tsy anarana ny Ray, tsy anarana ny Zanaka, tsy anarana ny Fanahy Masina. Izany dia titra telo, titran'ny asa telo ho an'ny Anarana iray: Jesosy Kristy. Koa noho izany dia tsy misy izany anaran'ny "Ray, Zanaka, Fanahy Masina" izany. Ary izany dia tsy... Tsy misy anarana amin'izany, noho izany dia manao batisa amin'ny Anaran'i Jesosy Kristy aho izay ny Anaran'ny Ray, Zanaka, ary Fanahy Masina. Mazava ve?

139. Ny olona sasany dia milaza fa "Kristy dia tany amin'ny Hadesy talohan'ny fitsanganana." Io ve... Misy Soratra ho an'io ve?

⁵¹ Ankehitriny, dia ity no fanontaniana ara-tSoratra iray izay tiako hamaliana anareo avy ao amin'ny Soratra, satria nanontany izy ireo hoe, "Ao anatin'ny Soratra ve izany?"

⁵² Tiako mba hamadika miaraka amiko ianareo ao amin'ny Petera Voalohany 3:18 sy 20, ianareo izay te-handre Azy, na ianareo no nametraka an'ilay fanontaniana na tsia, mba tsy hahavoatery anareo handray ny tenin'olon-kafa. Afaka mamaky an'Izany ianareo ka hahita raha marina io na tsia. Mila mijanona isan'andro amin'ny Fahamarinana isika, ary izay ilazan'ny Baiboly azy. Ary ity olona malala ity, na iza izy na iza, dia nanontany an'izany satria te-hahafantatra fanondroana iray avy amin'ny Baiboly raha tahaka an'izany ity na tsia.

⁵³ Ankehitriny, hitantsika ity ao... Raha nanana an'ilay izy aho. Ity Baiboly tranainy ity dia saiky rovitra tanteraka, eto, izay izaho—efa nanana azy nandritry ny taona maro aho ankehitriny. Raha afaka mahita aho raha manana azy ato, heveriko angamba... Iray segondra fotsiny, rahalahy, raha izaho—izaho—azoko antoka fa izany dia... Ndao jerentsika, tonga aorian'ny Timoty mihitsy izany, Titosy, ary Hebreo. Eo isika izao, hia, ananako ilay izy. Misaotra anareo. Petera Voalohany 3, ny toko faha-3-n'ny Petera Voalohany. Ny toko faha-3, ary ndao isika hanomboka amin'ny—amin'ny andinininy faha-18.

Fa Kristy koa aza dia efa njaly indray mandeha nohon'ny fahotana, ny marina ho an'ny tsy marina, mba hitondrany antsika ho amin'Andriamanitra, ka novonoina ho faty tamin'ny nofo, fa novelomina tamin'ny Fanahy: (novelomina tamin'ny Fanahy)

Izay nandehanany ihany koa ka nitoriany teny tamin'ireo fanahy tao an-tranomaizina;

Dia izay tsy nankatò fahiny, fony niandry ny fahari-pon'Andriamanitra tamin'ny andron'i Noa, raha namboarina ny sambofiara, nidiran'ny vitsy, izany hoe, fanahy valo no novonjena tamin'ny rano.

⁵⁴ Ankehitriny dia mamadiha ao amin'ny Asa 2, Asa 2, ary halaintsika ny—ny andinin faha-30, manomboka amin'ny Asa 2, ary ity dia mbola ilay Apostoly Petera ihany no miteny. Asa, ny tokon faha-2, ary ny—ny andinin faha-3 no voaraiko naoty eto.

Fa...Noho izany satria mpaminany iray, ka nahafantatra fa Andriamanitra efa nianiana tamin'ny fianianana iray taminy, fa izay avy amin'ny vokatry ny kibony, araka ny nofo, dia izy no hanangana an'i Kristy hipetraka eo amin'ny sezafianianany;

Izy dia efa nahita an'izany talohan'ny nitenenana ny fitsanganan'i Kristy, fa tsy nafoy tao amin'ny helo ny fanahiny, na koa ny Nofony tsy hahita ny fahalovana (ny vatan'i Kristy).

⁵⁵ Nidina nankao amin'ny helo ny Fanahiny ary nitory teny tamin'ireo fanahy, na ireo aina izay tsy nibebaka nandritry ny fahari-po tamin'ny andron'i Noa. Nidina tao amin'ny helo ny Fanahiny ka nitory teny tamin'ireo fanahy Izy, ary nitsangana tamin'ny andro fahatelo. Ara-tSoratra izany, ny Fahamarinana.

140. Ankehitriny, very ve ny dimy tamin'ireo virijiny?

⁵⁶ Ataoko fa izy ireo dia mametraka an'ilay fanontaniana hoe, “ireo virijiny dimy,” ny dimy hendry sy ny dimy adala. Ankehitriny, raha niaraka taminay ianareo tamin'ireo fampianarana farany tao amin'ny Apokalypsy, dia hitanareo teo fa ireo virijiny ireo, ireo—ireo virijiny dimy adala dia tsy very; fa tsy navela hiditra tao amin'ilay Sakafo harivan'ny Mpanambady izy ireo, fa niaritra fanenjehana izy ireo ka natao maritiora, ary nitsangana indray tao amin'ilay fitsanganana faobe amin'ny andro farany. Izy ireo dia olona tamin'ny Nanavahany ny ondry tamin'ny osy, hitanareo, nitsangana teo anoloan'ny Fitsarana izy ireo.

⁵⁷ Hoy ianareo hoe, “Eny, Rahalahy Branham, tsy hitsangana ve isika, ilay Fiangonana?” Tsia, tompoko! Tsy hitsangana eo anoloan'ny Fitsarana isika.

⁵⁸ Mitsangana eo anoloan'ny fitsarana isika ankehitriny, Andriamanitra no nametraka ny fahotantsika teo amin'i Kristy, ary isika . . . “Izay mandre Ny Teniko” Masindahy Jaona 5:24 “ka mino Izay naniraka Ahy no manana Fiainana Mandrakizay, ka tsy handeha ao amin'ny Fitsarana fa efa tafafindra avy tamin'ny fahafatesana ho amin'ny Fiainana.” Tsy misy fitsarana intsony ho an'ilay Fiangonana. Efa nakarina tao amin'ny Fampakarana Izy, ary miverina indray mba hanao fitsarana an'ireo olona izay tsy nandray ny Fanahy Masina. Tsy nilaza ve i Paoly fa tsy avelany ny iray amintsika hitondra ny—ny raharaha eo amin'ny fitsarana, eo amin'ny mpitsara tsy marina, satria, “tsy fantatrareo ve fa ireo Olo-masina no hitsara ny tany?” Hipetraka miaraka amin'i Kristy isika ka hitsara an'ireo mpanjaka sy pretra, ary hitsara an'ireo olona izay nitorantsika teny ka niteny

tamin'izy ireo ny amin'ny batisan'ny Fanahy Masina nefà nandà ny handray an'Izany izy ireo. Eritrereto izany!

⁵⁹ Tsia, tsy very izy ireo, saingy tsy ho ao amin'ny Ampakarina mihitsy izy ireo. Tonga izy ireo tao amin'ny fitsanganana faharoa, saingy tsy ho ao amin'ny Ampakarina mihitsy, ary notsaraina araka ny fomba nanaovan'izy ireo an'ilay Hazavana izay noraisin'izy ireo. Ankehitriny, io ampahany io dia hiankina amin'i Kristy. Tsy very izy ireo, na izany aza.

141. Rahalahy Branham, ao amin'ny Korintiana Voalohany, Korintiana, toko faha-14, andininy faha-34 sy faha-35, dia manao hoe, "Aoka ny vehivavinareo hangina ao am-piangonana fa tsy avela hiteny izy ireo." Faha-35, "Fa henatra ho an'ny vehivavy ny miteny ao am-piangonana." Ankehitriny, raha vehivavy iray miaraka amin'ny volo fohy no miteny—miteny amin'ny fiteny tsy fantatra ao—ao am-piangonana, ao am-piangonana, dia ny Fanahin'ny—ny Fanahy Masina no miteny amin'ny alàlany sa fanahy sandoka iray izany?

⁶⁰ Ankehitriny, ianareo dia... Ary ity dia fanontaniana iray tena sarotra, ka afaka hamaly azy amin'ny tsara indrindra izay fantattro fotsiny ihany aho, hitanareo. Ankehitriny, tsy afaka hitsara aho, satria tsy nirahina hitsara aho. Saingy heveriko fa misy matetika... Manana fanontaniana iray hafa aho eto any ho any izay miaraka amin'ity tsara. Fa raha miteny amin'ny fiteny tsy fantatra ny olona iray, dia voahosotr'Andriamanitra izy ireo. Hitanareo? Mety ho any ivelan'ny lamina izy ireo, mety ho marina izany, ary mety hanao zavatra iray izay tsy marina izy ireo, saingy tsy te-hilaza aho fa tsy ny Fanahy Masina izany, satria tsy ho fantattro. Hitanareo?

⁶¹ Ary ankehitriny matetika hoe io...hoe mifampitsara diso ny olona. Ary zavatra ratsy iray atao izany. Hoy ianareo hoe, "Nahoana, manana volo fohy izy, manao ny akanjony fohy loatra izy, izany—izany—tsy ny Fanahy Masina eo aminy izany." Aza manao an'izany! Aza manao an'izany, tsy tsara izany. Tsy fantatrareo izay ao anatin'ny fon'io vehivavy io. Tsy mahafantatra na inona na inona mikasika an'izany ianareo. Fantatrareo fa ny Fanahy Masina dia hanao azy hitondra ny tenany tsaratsara kely kokoa, ankehitriny, mety ho marina izany. Saingy ho teneniko aminareo, raha ny amiko sy ianareo, dia avelao Andriamanitra no hanao ny fitsarana an'izany, ary ndao izaho sy ianareo hivavaka ho an'izany olona izany fotsiny mba hanehoan'Andriamanitra azy ireo ny Hazavana.

⁶² Teto indray andro lassa dia nisy lehilahy iray nihaona tamiko teto, manokana. Ary nanana mpitendry piano aho izay nanana zipo kely, fohy, kely, ary tsy tsara marina tokoa, heveriko, tsy tsara fotsiny. Ary nanana volo fohy ilay ramatoa, ary zazakely fotsiny izy ao amin'ity Lèlana ity, fa izy no nitendry ny piano.

Ary lehilahy iray no nihaona tamiko tany ka nanao ahy ho potipotika fotsiny, hoy izy hoe, "Fa mpitory teny pentekotista iray ianao, nefo mamela an'io vehivavy io hipetraka eo! Io volo fohy io!" Ary nanohy tahaka an'izany fotsiny.

⁶³ "Eny," hoy aho, "mieritreritra aho fa manana fanahy tsara iray ilay vehivavy ao anatiny. Tena tsy mifanaraka amin'izany marina tokoa aho, fantatrao, ilay amppahan'ny zipo ambony, ireo tapany anankiroa."

⁶⁴ Ny anankiray amin'izy ireo *eto* ambany eto ary ny karazany iray *eto* ambony eto, lobaka iray tahaka ny anaovan'izy ireo izany. Ary izany dia tena manify ka mampiseho an'ilay akanjo fanao anatiny izay ananan'izy ireo manodidina eto. Tsy mihevitra aho fa—fa tokony hatao izany. Izaho—tsy tiako izany, tsy tiako marina tokoa. Izaho—izaho tsy afaka . . . Izy ireo—mety ho feno ny Fanahy tahaka ny olon-kafa fotsiny izy ireo, tsy fantattro; Andriamanitra no mahafantatra an'izany. Saingy tsy hanameloka an'izany vehivavy izany aho ka hilaza fa ho any amin'ny helo izy, amin'ny alàlan'ny fahitana.

⁶⁵ Io olona iray io ihany dia nanana ramatoa iray izay nanana volo lava sy nanao akanjo lava tao amin'ny fiangonany, nefo nanana toetra mora tezitra ampy hiady amin'ny tsofa mihodina, ary masiaka fotsiny arak'izay naha-izy azy. Ankehitriny, ny volo lava sy ny zipo lava dia tsy hitondra anareo any An-danitra. Tsia, tompoko! Ilay izy dia ny Fanahy izay ao anatinareo no hitondra anareo any An-danitra. Fa raha ianareo amin'ny maha-Kristiana iray . . .

⁶⁶ Noho izany tokony hahatsiaro ianareo fa matetika ireo pasitera dia tsy milaza an'ireo zavatra ireo ka manohy ho azy fotsiny ny olona, mieritreritra fa mety tsara izany. Saingy ny pasitera iray dia tena tokony handrovitra an'izany mihitsy. Ary—ary—ary amin'izay fotoana izay ireo anabavy ao amin'ny fiangonana, ireo anabavy izay manana toetra tsara, manao an'ireo akanjony milamina tsara, izy ireo dia tokony ho ohatry ny fahamoram-panahy, sy—sy toy ny maha-reny ary ny maha-anabavy.

⁶⁷ Ary mieritreritra aho fa ny vehivavy izay manana ny maha-reny sy masina ary maha-anabavy dia tokony handeha any amin'ny olona iray tahaka an'izany, ary miaraka amin'ny fahamoram-panahin'ny Fanahy, mipetraka fotsiny ka miresaka amin'ilay ramatoa. Ary raha avy amin'Andriamanitra izy, dia ny Fanahy Masina no hahazo an'ireo zavatra ireo, ka hanitsy ny tenany izy. Fa raha manameloka azy haingana tokoa ianareo ary manilika azy, dia mety handratra an'io zazakely tanora, vao teraka io. Hitanareo? Noho izany aho—tsy hanameloka an'ilay olona aho.

⁶⁸ Ankehitriny, ilay olona miteny amin'ny fiteny tsy fantatra.

⁶⁹ Ankehitriny, izaho—tsy maintsy hilaza zavatra aho eto izay mety ho hafahafa kely fotsiny, ary raha tsy mifanaraka amiko ianareo, dia tsy maninona izany. Hitanareo, matetika mihitsy isika no diso fitsara an'ireo zavatra ireo. Ndao isika hiezaka foana hieritreritra ny tsara indrindra ny amin'ilay olona izay mizezaka hanao an'izay tsara. Ndao isika haneho ny tsara indrindra amintsika amin'izy ireo. Oh, mizezaka izy ireo. Tsy fantatsika ny fon'izy ireo, raha tsy manana famantarana iray ianareo. Ary raha diso izy ireo, amin'izay fotoana izay ianareo raha manana... Hoy ny Baiboly hoe, "Raha tratra ao amin'ny hadisoana iray ny rahalahy anankiray, dia aoka ireo izay ara-panahy ho any amin'izany rahalahy izany amin'ny fanahin'ny fahalemem-panahy, mandinika ny tenanareo manokana fandrao halaim-panahy ianareo, ary jereo raha tsy afaka mampihavana an'izany olona izany ianareo, hitanareo, hiverina amin'Andriamanitra." Aza milaza fa tsy manana ny fanahy tsara izy ireo, satria...

⁷⁰ Henoy, ankehitriny dia hilaza zavatra anankiray izay tena hanindrona anareo marina tokoa aho mandritry ny iray minitra, noho izany dia mipetraha tsara iray minitra fotsiny. Ny Fanahy Masina dia afaka miresaka amin'ny alàlan'ny mpihatsaravelatsihy iray. Marina tokoa! Efa nahita an'izany natao aho, ary afaka manaporofo aminareo amin'ny alàlan'ny Soratra fa marina izany. Afaka manaporofo aminareo amin'ny alàlan'ny Soratra aho fa ireo herin-demony dia maka an'ireo fanahy ireo ary mampiassa azy ireo, azo antoka, maka an'ireo fanomezam-pahasoavana izy ireo ary mampiassa azy ireo. Nitsangana mihitsy aho...ary nahita an'ireo devoly niteny tamin'ny fiteny tsy fantatra sy nandika an'izany. Ary efa nahita mpihatsaravelatsihy nandray an'ilay Fanahy Masina tena izy aho ary niteny niaraka tamin'izany. Izany no antony tsy ahafahanareo milaza fa ny fitenenana amin'ny fiteny tsy fantatra no porofo tokana an'ny Fanahy Masina.

⁷¹ Ankehitriny, indray andro rehefa niditra tao amin'ny Pentekosta voalohany aho, nandeha tany Mishawaka tao amin'ny tabernaklan'i Rahalahy Rowe aho. Nanana favoriana iray izy ireo tany, izany dia ny olon'ny Anaran'i Jesosy. Ankehitriny, tsy mifanaraka amin'ny olon'ny Anaran'i Jesosy aho. Izy ireo...tsy—tsy...Rahalahiko izy ireo, saingy ny antony izay izaho...

⁷² Izy ireo dia manao batisa ho amin'ny *fanavaozana*, amin'ny Anaran'i Jesosy Kristy; tsy mino an'izany aho. Tsy mino aho fa ny rano no mamony anareo amin'ny fahotana. Izaho dia mino fa ny Ràn'i Jesosy Kristy no fanavaozana. Fa ny olon'ny an'ny Tokana dia manao batisa ho amin'ny fanavaozana. Ny Anaran'i Jesosy, dia izao fotsiny "Natao batisa tamin'ny Anaran'i Jesosy, dia hoe voavonjy izy ireo, satria hoy izy 'Mibebaha, ary aoka

hatao batisa amin'ny Anaran'i Jesosy Kristy ho an'ny famelàna ny fahotanareo.””

⁷³ Saingy inona no tonga aloha? Ny fibebahana, nenina araka an'Andriamanitra nohon'ny fahotanareo, avy eo dia mihodìna. Avy eo dia aoka hatao batisa amin'ny Anaran'i Jesosy Kristy, mety tsara izany. Nataonareo ny rehetra amin'io ho famelàna ny fahotana.

⁷⁴ Ankehitriny, ary tao anatin' tao, dia nisy olona an'arivony maro. Tamin'ny andron'izy ireo dia nanana fanavakahana izy ireo teto tany Avaratra, na tany Atsimo, ary tsy maintsy niakatratra teto izy ireo satria rahalahy mainty hoditra maro no tonga ho an'io favoriana io. Ilay izy dia ny P.A. an'ny W. sy ny P.A. an'ny G...J.C. talohan'ilay fampiarahana. Ary tany Mishawaka izy ireo, mainty hoditra sy fotsy, ny rehetra niaraka, tsy afaka nanana an'izany izy ireo tany Atsimo tamin'izany fotoana izany. Eny, nahita lehilahy fotsy anankiroa aho teo amin'ny seza. Tsy mbola naheno na inona na inona tamin'ireo hafatra ireo mihitsy aho tany aloha teo amin'ny fainako. Fa nitsangana ireo lehilahy ireo tany ka ny anankiray niteny tamin'ny fiteny tsy fantatra ary ilay iray hafa nanome ny fandikana, ka niteny tamin'ny olona tao amin'ny favoriana mihitsy an'izay tsy nety tamin'izy ireo, niteny tamin'ny olona an'izay nataon'izy ireo. Avy eo ity anankiray ity niteny ary ny iray hafa nandika. Nieritreritra aho hoe, “Oadray, nilatsaka teo anivon'ireo anjely aho eto.” Tsy mbola nandre karazan-javatra tahaka izany mihitsy aho!

⁷⁵ Ny alina tontolo, tao anatin'ny sahan-katsaka, dia nivavaka aho. Satria hatramin'ny naha-zazakely ahy, dia nino aho fa ireo fanomezam-pahasoavana sy antso dia tsy anenenana, afaka nahita an'ireo fahitana foana aho. Ary ny ampitso maraina dia nangataka ahy mba hiresaka izy ireo, dia niresaka aho. Tany ivelany dia nisy olona maro izay nanatona ahy ary nanasa ahy ho any amin'ny favorian'izy ireo, kanefa dia Misionera Batista aho. Noho izany aho—nandroso fotsiny aho ary namela an'ilay izy handeha tahaka an'izany. Afaka kelikely dia tsy andriko ny banana fifandraisana amin'ireo lehilahy-anjely anankiroa ireo. Tsy mbola nandre mihitsy aho ny... .

⁷⁶ Nivadika fotsy izy ireo nanodidina ny vava, ary nitsangana ka niteny tamin'ny fiteny tsy fantatra. Ary nitsangana avy hatrany ilay anankiray hafa ka nanao hoe, “HOY NY TOMPO HOE, ‘Jones eto, nanao zavatra *anankiray* izy, afak'omaly. Rehefa nandeha nanodidina an'ilay trano ianao dia nalainao ilay poketra izay an'ity lehilahy ity, izay verin'ity lehilahy ity teto.’ HOY NY TOMPO HOE, ‘Avereno izany!’”

⁷⁷ “Andriamanitra, mamindrà fo amiko, ity ilay izy.”

⁷⁸ Hitanareo, ny fahamarinana, milaza fotsiny an'ilay izy tahaka an'izany, miteny amin'ny olona avy hatrany, nieritreritra aho hoe, “Oh, oadray, tsy mahafinaritra ve izany!” Noho

izany, tamin'izay fotoana izay dia nieritreritra aho hoe, "Andriamanitra ity!"

⁷⁹ Eny, avy eo dia nanatona ny anankiray tamin'ireo lehilahy ireo aho, ary raha mbola niresaka taminy aho, dia nivavaka hoe, "Andriamanitra avelao aho hanana an'izany, na inona Izany na inona." Tsy fantatra izay iantsoana an'Izany, ireo fahitana, tsy fantatra izay iantsoana an'Izany. Ary rehefa tonga teo amiko io lehilahy io, ary azoko ny fifantohany, nanohy niresaka taminy fotsiny mandra-pahazoako ny fanahiny, tahaka ny nataon'ilay vehivavy fotsiny teo amin'ny...nataon'i Jesosy, ilay vehivavy teo amin'ny fantsakana. Nanohy niresaka fotsiny mandra-pahazoako ny fanahiny. Ary Kristiana iray izy, ny tena, olo-masin'Andriamanitra tena izy. Nieritreritra aho hoe, "Isaorana anie ny Anaran'ny Tompo!"

⁸⁰ Izaho dia nihaona—nihaona tamin'ilay lehilahy manaraka tonga nanodidina ny zoron-trano, teo amin'ny antsasakadiny taty aoriana, ary niresaka taminy aho. Ary raha mba niresaka tamin'ny mpihatsaravelatsihy iray aho, dia izy no anankiray amin'izy ireny. Ny vadiny dia mainty volo, nefà niaina niaraka tamin'ny mavo volo iray izy ary nanana zanaka anankiroa taminy; kanefa niteny niaraka tamin'ilay Fanahy iray ihany izay nitenen'ity lehilahy ity, ary nanome an'ilay fandikana iray ihany, tena marina mihitsy tokoa. Tamin'izay fotoana izay dia fantatra.

⁸¹ Talohan'ny fiovam-poko, dia nanana fahatsapana aho indray mandeha nankany amin'ny tobin'ny mpamosavy niaraka tamin'ireo Indiana. Mpandihin'ny devoly izy ireo. Maka bibilava iray ary mirakotra an'izany manodidina azy ireo, ary manao an'ilay fandihin-katsaka, sy miteny amin'ny fiteny tsy fantatra ary mandika an'izany, ka miteny marina tokoa an'ilay fahamarinana izay mipetraka eo anivon'ny olona. Ary efa nahita mpamosavy iray naka pe—pensily iray sy nametraka an'izany, ary nahita an'io pensily io nitsangana ka nanoratra tamin'ny fiteny tsy fantatra, dia nandika an'izany ary niteny tamin'ny olona marina tokoa an'izay niseho tany. Tao anatin'ny favoriana iray momban'ny fanahy!

⁸² Noho izany dia hoy aho hoe, hitanareo, "Eo anivon'ireo devoly aho," ary navelako nandeha ilay zavatra manontolo.

⁸³ Noho izany indray andro tany Green's Mill, dia niakatra tany aho hivavaka tao anatin'ny zohiko, tsy noho izany, ary nivoaka aho ka nametraka ny Baiboliko. Izaho...Bobongolo ny tao anatin'ilay zohy ka nila taramasoandro kely aho, ary tamin'ny tolakandro izany, dia nivoaka aho ka nametraka ny Baiboliko. Nandeha aho mba hamaky vetivety, teo ambonin'ny vatan-kazo iray izay nandry kely teo ambanin'ilay havoana. Ary napetrako fotsiny ny Baiboly, dia nanomboka namaky aho. Ary nitsoka ny rivotra, ka namadika an'Izany tao amin'ny Hebreo ny

toko faha-6. Nieritreritra aho hoe, "Angamba tian'ny Tompo aho hamaky an'izany." Novakiako ilay izy.

⁸⁴ "Isika izay nohazavaina indray mandeha, natao ho mpandray anjara amin'ny Fanahy Masina, ka hita fa lavo isika...mba hanavao ny tenantsika indray ho amin'ny fibebahana. Ny ranonorana dia mamokatra ny...ny tany dia mamokatra an'ireo voa ary ny ranonorana dia nalefa mba hanondraka azy, ary ny tsilo sy ny songosongo izay akaikin'ny fandàvana, ka ny fiafarany dia hodorana." Zavatra anankiray tahaka an'izany.

⁸⁵ Eny, novakiako izany ary nieritreritra aho hoe, "Eny, deraina ny Tompo." Namadika an'izany teo amin'ny anankiray hafa, dia nieritreritra aho hoe, "Eny, hamaky any amin'ny toeran-kafa any ho any fotsiny aho ato." Nametraka an'ilay izy tahaka an'izao aho, namafa ny masoko, dia nitsoka azy niverina tao amin'ny Hebreo 6 indray ny rivotra. Eny, in-telo na in-efatra no nitrangan'izany, telo farafahakeliny, na ahoana na ahoana. Nieritreritra aho hoe, "Tsy mahita na inona na inona tsy mety amin'ity aho. Inona no ato?"

⁸⁶ Mamelà ahy fotsiny, ianareo dia afaka...Efa novakianareo imbetsaka izany, Hebreo 6, "Ny tsilo sy ny songosongo. Ny ranonorana dia milatsaka amin'ny tany mba hanondraka azy, mba hikarakara azy, hitanareo, ho an'ireo voany. Fa ny tsilo sy ny songosongo izay akaikin'ny fandàvana, ka ny fiafarany dia hodorana, hangonina ary hodorana."

⁸⁷ Tsy afaka nisintona na inona na inona avy tamin'izany aho. Nieritreritra aho hoe, "Eny, ny tsilo sy ny songosongo dia hodorana, Andriamanitra no mitondra Ny Variny any antsompitra, dia milamina izany. Noho izany tsy nahita na inona na inona nikasika an'izany aho."

⁸⁸ Nipetraka teo aho, njery tahaka an'izao, ary tonga teo anoloako ny fahitana iray. Ary nahita tany iray nihodinkodina tahaka an'izao aho, ary voaasa tanteraka izy vonona ny hambolena. Ary nivoaka ny lehilahy iray niakanjo fotsy, ny loha niondrika tao amin'ny gonin-tsakafo, na gonim-boa, raha ny marina, nanohy nandroso izy. Ary tsy fantatro na mahatsiaro an'ilay fomba famafazana fahiny ny iray aminareo, hoe ahoana ianareo...Nahita an'i papa nanao an'izany aho. Manipy azy amin'ny tåñana tahaka an'izao, ary milatsaka fotsiny amin'ny tany izy ireo, ireo voa tahaka an'izao. Eny, ity lehilahy ity dia nanipy an'ireo voa tahaka an'izao. Ary vantany vao lasa izy, dia nitsiry taoriany ny vary.

⁸⁹ Eny, vantany vao lasa tery amin'ny fiolahan'ny tany izy, dia nahita zavatra iray maity niakatra aho, tahaka ny volana maity. Dia njery aho, ary niha-nanakaiky izy, izany dia le-lehilahy iray, maity tanteraka, niakanjo maity. Nijaikojaiko izy, njery tahaka an'izao. Ary nanana gonim-boa iray izy, ny

tao anatiny, fotsiny, dia nanana ahi-dratsy izy. Ary namafy azy ireo teo anivon'io vary io tahaka an'izao izy, nanoply azy tamin'ny ilany anankiray aloha ary ilay hafa. Ary taoriany dia nitsiry ireo ahi-dratsy, tsilo, songosongo, ahitra ratsy, sy ny sisa.

⁹⁰ Eny, nieritreritra aho hoe, "Henatra iray ho an'io lehilahy io ny manao zavatra tahaka an'izao." Tao amin'ny fahitana, dia tsy nieritreritra an'izany ho ara-tSoratra aho, hitanareo. Ary hoy aho hoe, "Io lehilahy io dia namafy an'ireo ahi-dratsy tao amin'ny saham-barin'ilay lehilahy."

⁹¹ Avy eo dia tena nafana ny andro. Ilay vary kely dia nihazona ny lohany niondrika ary nanao hoe "hah, hah, hah" tahaka an'izany, miahahanhana tahaka an'izao fotsiny mba hisintona fofon'aina. Ilay ahi-dratsy kely dia nanondrika ny lohany, "hah, hah, hah," naniry rano fatratra, ihany koa. Nivavaka ho an'ny orana ny olona rehetra.

⁹² Afaka kelikely izany dia... Tonga ny rahom-baratra lehibe iray ka nanorana tanteraka fotsiny, ary rehefa nanorana izany, dia namely ny tany ny orana. Ary nanomboka nitsambikina ambony sy ambany ilay vary kely, niantsoantso hoe, "Haleloia! Deraina ny Tompo! Haleloia! Deraina ny Tompo!" Ary ilay ahi-dratsy dia niantsoantso hoe, "Deraina ny Tompo," nitraka tsara, tonga tamin'ny ahi-dratsy tahaka ny tamin'ilay vary ny fiainana.

⁹³ Ary tamin'izay fotoana izay no tonga ny Soratra hoe, "Ny orana dia milatsaka eo amin'ny marina sy ny tsi-marina." Teo no nahazoako azy. Hitanareo?

⁹⁴ Izao, raha mipetraka ao amin'ny fiangonana ny olona anankiray, dia afaka milatsaka eo amin'io olona io ny fanahy iray, kanefa fantatrareo fa diso izy ireo ary tsy miaina ao amin'ny karazana fiainana tsara, mitandrema an'izay lazainareo mikasika an'izany fanahy izany, mety ho ny Fanahy Masina izany. Aza mitsara ny—ny fanahy amin'ny alàlan'ilay olona. Mety ho diso ilay olona saingy, ankehitriny, tsy nilaza ve ny Baiboly hoe, "Ny orana dia milatsaka amin'ny marina sy ny tsi-marina"? Tsy nilaza ve Jesosy, rehefa voavoly ilay saha hoe, "Avelao izy ireo hitsiry miaraka, ny tsimparifary sy ny vary, miaraka. Aza miezaka manongotra an'ireo tsimparifary. Aza miezaka mitsara azy ireny, avelao fotsiny izy ireo hitsiry miaraka. Ary amin'izany andro izany dia hirahina ireo anjely ary haka an'ireo tsimparifary rehetra ka handoro azy ireny, fa ny Vary dia hangonina ao an-tsompitra"? Fa ny voany no hamantarantsika azy ireny. Afaka mahafantatra ao am-ponareo ianareo. Manohiza miezaka mifampiraharaha amin'izany olona izany.

⁹⁵ Aza milaza hoe ity vehivavy ity, raha tsy miakanjo maotina izy na... Ahoana no vakin'izany? "Ndao lazaintsika fa ny Fanahy Masina dia hamangy..." Ndao jerentsika. Tsia, nahazo

an'ilay fanontaniana anankiray diso aho eto, na izany aza. Oh, ity ilay izy, eny.

Miteny amin'ny fiteny tsy fantatra ireo vehivavy. Ankehitriny, raha vehivavy iray miaraka amin'ny volo fohy no miteny amin'ny fiteny tsy fantatra ao am-pianganana, izany ve no ilay Fanahy (ndao jerentsika), ilay Fanahin'ny Fanahy Masina izay miteny amin'ny alalany ve izany sa fanahy sandoka iray?

⁹⁶ Hitanareo, tsy hilaza na inona na inona aho. Ary raha nieritreritra ianareo fa ilay vehivavy dia tena tsy marina tokoa amin'ny fananana volo fohy... (mino aho fa izany ilay lohahevitra)... hia, "volo fohy," nahoana no tsy ianareo, rahalahy, raha lehilahy iray manambady ianareo ary vehivavy iray manambady ity, nahoana—nahoana ianareo no tsy maka ny vadinareo na hanao ny vadinareo hiresaka am-pahamorampanahy amin'io ramatoa kely io? Ndao isika hino fa manana ny Fanahy Masina izy. Raha ato amin'ity fiangonana ity izy, izaho dia—hino aho fa manana izy. Ary amin'izay fotoana izay, milaza fotsiny hoe, angamba izy dia ny...

⁹⁷ Fantatrareo ve, indraindray, mety mandini-tena isika ka mahita fa isika dia mety hanana zavatra kely anankiray tsy mety, ihany koa. Fantatrareo, izany—izany—mety ho marina izany, fantatrareo. Noho izany dia olona iray angamba no tokony hiteny amintsika zavatra anankiray. Imbetsaka ny olona no niteny tamiko zavatra betsaka izay tsy nety, hoe nanao zavatra diso aho, ankasitrahako izany.

⁹⁸ Saingy ndao isika ankehitriny hilaza fa... ndao isika hino fa na inona na inona ilay izy, ndao isika hino an'izao, raha tsy Kristiana iray marina tokoa ilay vehivavy, raha mody manao fotsiny izy, dia Andriamanitra no hitsara azy noho izany. Marina izany. Fa... Ary raha miakanjo tsy maotina izy, ka tsy tsara ireo zavatra izay ataony, dia Andriamanitra no hisahana an'izany. Saingy ndao isika hino fa io Fanahy eo amin'io vehivavy io dia ny Fanahy Masina. Hitanareo, satria tsy mahafantatra isika.

⁹⁹ Ankehitriny, raha ny fandikana an'ilay "fanahy masina" no manome zavatra anankiray, ozona ho an'i Kristy... "Tsy misy olona izay miteny amin'ny alàlan'ny Fanahy ka niantso an'i Kristy hoe voaozona." Raha miteny amin'ny fiteny tsy fantatra io vehivavy io ary ny fandikana dia lasa hoe "Voaozona Kristy," amin'izay fotoana izay dia fantatrareo fa fanahy ratsy iray no eo amin'ilay vehivavy. Fa raha mbola fisaorana sy fanandratana an'i Kristy foana ilay izy, amin'izay fotoana izay dia minoa an'izany Fanahy izany. Hitanareo? Amena. Manantena aho fa tsy mampifanjevo izany. Manantena aho fa izany dia manome hazavana kely eo amin'izany, na ahoana na ahoana.

142. Deotoronomia, ny toko faha-23, ny andininy faha-2, tsy mampianatra ve izany fa ny olona iray izay teraka ivelan'ny

voadim-panambadiana dia tsy voavonjy? Izao no voalaza fa “Andriamanitra dia hamaly ny helok’ireo raiamandreny amin’ireo zanaka hatrany amin’ny taranaka fahatelo sy fahefatra.” Hazavao hoe inona no dikan’izany.

¹⁰⁰ Eny àry. Ny fijangajangana dia zavatra anankiray mahatsiravina tamin’ny andron’ny Baiboly hany ka raha nanana zanaka tamin’ny vehivavy iray izay tsy vadiny aza ny lehilahy iray, io zanaka io, ireo zanaky ny zanak’ireo zanany, ho an’ny taranaka efatra, efajato taona mohoatra, dia tsy nahazo nuditra any am-piangonan’ny Tompo akory aza, satria ny ràn’ombilahy sy osilahy ary ombivavy dia tsy ampy mba hanaisotra ny fahotana. Afaka nisaraka fotosiny ihany izany na afaka nanarona fahotana fotosiny ihany, tsy afaka namela ny fahotana izany. Hitanareo? Tsy afaka namela ny fahotana izany, izany dia afaka nanarona ny fahotana fotosiny ihany. Zavatra iray mahatsiravina ny fijangajangana!

¹⁰¹ Ny vehivavy iray, vatosoa sarobidy iray, izay Andriamanitra no nanao azy ho reny anankiray, nanao azy hikarakara niaraka tamin’ny maha-reny, ka raha niteraka zaza iray avy amin’ny lehilahy hafa iray izy fa tsy ny vadiny, amin’izay fotoana izay dia nisy ozona iray teo amin’io zaza io, sy ireo zanany, sy ireo zanany, ary ireo zanany, hatrany amin’ny taranaka telo na efatra. Matetika mihitsy aza dia toy ny sifilisy, sy—sy fahajambana sy ny sisa no mameley ny olona. Eny, zavatra iray mahatsiravina, mahatsiravina ho an’ny vehivavy anankiray ny mahazo zazakely iray any ivelan’ny voadim-panambadiana masina. Ankehitriny, tsy tamin’izany fotoana izany ihany, fa mbola zavatra mahatsiravina iray foana izany, azo antoka fa izany, isan’andro.

143. Hiseho alohan’ny Fampakarana ve ny Ezekiela 38 sy 39?

¹⁰² Ankehitriny raha hahamarika ianareo, Ezekiela 38 sy 39 dia mifanaraka amin’ny Goga sy Magoga, izay Rosia, ilay firenena avaratra. Ankehitriny, tsy milaza aho hoe marina izany, fa amin’ny fomba fampianarako azy, hoe, izany dia miseho aorian’ny Fampakarana, aorian’ny ampakarana ny Fiagonana. Ary mifanaraka amin’ny Goga sy Magoga Andriamanitra rehefa tonga eo anatrehan’ny Isiraela izy ireo any. Ary neveriko fa hiseho aorian’ny Fampakarana io. Ankehitriny, izany tsy manao an’ilay izy ho tahaka an’izany, hitanareo. Fa ny fomba fampianarako azy fotosiny izany. Ataoko fa izany no tian’izy ireo ho fantatra, inona no hevitro.

144. Ny Tompo dia niteny tamintsika tamin’ny alalan’ny faminaniana mba hijoro vavolobelona amin’ny hafa ny amin’ireo zavatra izay efa rentsika sy hitantsika eto, toy ny fahakaizezan’ny Fihaviana, batisa amin’ny Anarana, amin’ny Anaran’i Jesosy, sy ireo zavatra tahaka an’izany. Efa niteny an’ireo zavatra ireo tamin’ny sasany izay toy ny

hoe Kristiana izahay, kanefa toa tsy mino izy ireo. Inona no neverinao fa hitranga amin'ireo olona ireo? Handeha ho any amin'ny Fampakarana ve izy ireo?

¹⁰³ Ankehitriny, faly aho fa nolazainareo tamin'izany fomba izany ilay izy hoe, "Inona no neverinao?" Fa izany dia tsy hanao an'ilay izy ho marina satria hoe izaho no nihevitra azy. Mino aho fa tsy misy olona afaka handeha ao amin'ny Hazavan'Andriamanitra raha tsy Andriamanitra no manambara an'Izany aminy. Ary tsy mino aho fa ny olona rehetra izay... Ireo zavatra nafenina rehetra ireo dia mafina amin'ny olona, ka tsy misy olona afaka hahita azy ireo raha tsy Andriamanitra no manambara azy ireo, ary mino an'izany aho satria efa tahaka an'izany foana ilay izy ao amin'ny Baiboly.

¹⁰⁴ Tsy nilaza ve Jesosy hoe "Manana maso ianareo nefo tsy afaka mahita, manana sofina ianareo nefo tsy afaka mandre"?

¹⁰⁵ Kanefa ao amin'ny Matio, mino aho fa ilay izy dia na ny toko faha-8 na ny faha-12, izao no voalaza hoe "Na dia nanao fahagagana tena maro teo anivon'izy ireo aza Jesosy, dia mbola tsy nety nino izy ireo. Satria Isaia no nilaza, ilay faminaniana dia nilaza fa 'Manana maso izy ireo nefo tsy afaka mahita, ary sofina nefo tsy afaka mandre.'" Hitanareo?

¹⁰⁶ Ary hoy Jesosy hoe, "Tsy misy olona mahay manatona Ahy raha tsy Ny Raiko no miantso azy aloha, ary izay rehetra nomen'ny Ray Ahy no hanatona Ahy." Milamina hatreo izany, hitanareo.

¹⁰⁷ Ankehitriny, ianareo dia—ianareo dia tompon'andraikitra amin'ny fanitarana an'ilay Hazavana, tsy tompon'andraikitra amin'ny fandraisan'izy ireo an'ilay Hazavana ianareo. Tompon'andraikitra amin'ny fitondrana an'Izany eo amin'izy ireo ianareo, fa tsy tompon'andraikitra amin'ny fihetsik'izy ireo. Ary avy eo raha mamela azy ireo hiditra Andriamanitra, dia hiankina Aminy izany. Raha tsy manao an'ireo fitafiana izy ireo, sy ny sisa, ka izy ireo tsy... Fa izy ireo... Tsarovy, tsy afaka hahita an'Izany izy ireo raha tsy Andriamanitra no manambara an'Izany amin'izy ireo.

145. Rahalahy Branham, ao amin'ny Daniela ny toko faha-11, ny andinin'y faha-31, dia mampianatra ny amin'ny andro... fanesorana ny fanatitra isan'andro, ary ny fahavetavetana izay manao fandravàna. Afaka hazavainaо ve azafady hoe inona ireo?

¹⁰⁸ Oh, nanasonia ny anarany tamin'ity anankiray ity io olona io. Izany no lohahevitra amin'ny Alahady heriny, ary izany dia tonga miaraka amin'ny—miaraka amin'ny *Ireo Fitopolo Herinandron'i Daniela*. Fa... Ary mety hilaza an'izao aminareo fotsiny aho, ry rahalahiko sarobidy indrindra izay nanasonia an'ity eto, izay tena sakaiza malala iray ho antsika rehetra. Eny, "ny fahavetavetana izay manao fandravàna," Jesosy, ao amin'ny

Matio 24, dia niresaka ny amin'izany. Ny fahavetavetana (izay midika fahalotoana) izay manao fandravàna, ny fahavetavetana dia ny Mosquée d'Omar Silamo izay niorina teo amin'ny tanin'ny tempoly izay nitsanganan'ilay Toerana Masina.

¹⁰⁹ Tamin'ny A.D. 96, dia niditra i Titus ka nambabo an'i Jerosalema sy nandoro ny tempoly, ary naorin'izy ireo ny Mosquée d'Omar (ilay fivavahana Mohametana) teo amin'ireo tanin'ny tempoly mihitsy, ary mbola mitsangana any foana amin'izao andro izao. Ary hitsangana any izany mandrapiverin'Andriamanitra any amin'ireo Jiosy indray. "Ary ny fahavetavetana (izany hoe ny Mosquée d'Omar) izay manao fandravàna an'ilay Toerana Masina," mitsangana eo amin'ilay Toerana Masina, hitanareo.

¹¹⁰ Nanondro an'izany Jesosy, milaza, ary ao amin'ny fononteny hoe, "(aoka izay mamaky hahazo)." Hitanareo? Noho izany, dia nanome andro maro Izy hatramin'io fotoana io mandra-paha... aorian'ilay Andriana ary andro maro, sy ny sisa, izay idirantsika amin'ny Alahady heriny. Ary hiezaka aho ny, amin'ny tsara indrindra amin'ny fahalalako, ny hampiditra an'izany ho anareo amin'ny Alahady heriny. Fa io fahavetavetana io dia ny Mosquée d'Omar izay naka ny toeran'ny tempoly, hoe, "Rehefa mahita ny fahavetavetana izay manao fandravàna ianareo, notenenin'ny, ny mpaminany Daniela, mitsangana ao amin'ny Toerana Masina." Hitanareo, mitsangana eo amin'izay nitsanganan'ny tempoly (ilay Toerana Masina), ny Mosquée d'Omar.

146. Rahalahy Branham, tsy tsapanao ve fa ny tsirairay avy izay mihambo ho Kristiana dia tokony handoa fahafolon-karena, handoa ny fahafolon-karenany ao amin'ny trano fitehirizan'ny Tompo? Azafady omeo ny Soratra ho an'ity fanontaniana ity.

¹¹¹ Eny àry, raha sitrakareo... Marina izany, fa ny Baiboly no nilaza ao amin'ny Malakia, ny toko faha-4 hoe, "Handroba an'Andriamanitra ve ny olona? Nefa hoy ianareo hoe, 'Taiza no' ianareo 'nandroba Anao?' Tamin'ny fahafolon-karena sy rakitra. Ento ny fahafolon-karenanareo rehetra sy ny rakitra ho ao amin'ny Trano fitehirizako, ka zahao toetra Aho," hoy ny Tompo, "raha tsy Hovohako ireo varavarankelin'ny Lanitra, ka handatsahako ny fitahiana izay tsy hisy efitra ampy handray."

¹¹² Fihaikana iray ho an'ny isam-batan'olona rehetra izany! Ary raha nanana fotoana fotsiny aho, ka tsy ho tonga amin'ity Soratra kely izay iriako hahatongavana ity ao anatin'ny eo amin'ireo folo minitra manaraka, dia ho tiako ny hanome anareo fijoroana vavolombelona manokana iray ny amin'ny hoe ahoana fa noana mihitsy aza aho, ary ny reniko sy izy ireo dia noana, ary narary ny dadako, fa nesoriko aloha ireo fahafolon-karenako ka nomeko an'Andriamanitra izany, ary tokony ho

hitanareo izay nitranga. Tsy mbola nahita mihitsy aho teo amin'ny fiainako, hoe lehilahy iray na vehivavy iray, hoe raha mahazo iray dolara isan-kerinandro fotsiny ianareo, hitondra an'ireo folo cents avy amin'io vola io ka hametraka an'izany ao amin'ny trano fitehirizanareo, na fiangonana iray izay ahatongavanareo, raha tsy mitahy an'izany Andriamanitra dia antsoy hoe mpihatsaravelatsihy aho. Eny, tompoko. Fihaihana iray ho an'ny olona rehetra izany. Ary ny Kristiana rehetra... Mamaly an'ity fanontaniana hafa ity izany. Ny Kristiana rehetra dia tokony handoa fahafolon-karena! Marina izany. Tokony hatao izany.

Eny àry, ankehitriny:

- 147. Raha ny olona iray na ireo olona no miteny amin'ny fiteny tsy fantatra amin'ny hamafisam-peo iray ihany foana, ilay zavatra iray ihany, saingy ilay fandikana dia samihafa foana avy amin'ilay mpandika, dia mety ho ny Fanahy Masina ve izany?**

Ankehitriny dia mamele ahy hamaky an'izany indray.

Raha ny olona iray na ireo olona no miteny amin'ny fiteny tsy fantatra amin'ny hamafisam-peo iray ihany (amin'ny teny hafa, milaza fotsiny an'ilay zavatra iray ihany toy ny teny *izao-sy-izao* hatrany sy hatrany ary hatrany) **foana**, ary **ilay zavatra iray ihany foana, saingy ny fandikan'ilay mpandika dia samihafa foana, mety ho ny Fanahy Masina ve izany?**

¹¹³ Ankehitriny, misy anankiray sarotra eto, saingy mamele ahy handraraka hazavana kely iray fotsiny eo amin'ity raha vitako. Ary azoko antoka fa hahazo ianareo fa ity dia Rahalahy Branham fotsiny izay miezaka manao ny tsara indrindrako, saingy mamele ahy hanome an'ity fotsiny toy ny fahatsapako manokana amin'ny fiarahana amin'ireo zavatra ara-panahy. Ary mankasitraka ny fahatokianareo amin'ny fametrahana fanontaniana tahaka an'izao aho. Raha tsy nanana fahatokiana ahy ianareo, dia tsy ho nametraka tamiko tahaka an'izany. Mino aho fa ny Kristiana iray dia tsy hametraka fanontaniana mba hanangana adi-hevitra iray, mino aho fa izy ireo dia miezaka ny hahita an'izay Fahamarinana. Hitanareo? Ary hamaly aho, ka raha... Ary ho valiako ilay izy, ka raha nanao ny tenako hazava aho hoe "izany no tsara indrindra amin'ny fahalalako," ary amin'izay fotoana izay raha tezitra io fanahy izay ao anatinareo io, dia izany no maneho fa tsy ny Fanahy Masina no ao anatiny ao. Hitanareo? Koa noho izany dia tsy ho tezitra ny Fanahy Masina, hahitsin'ny Teny foana izany, ary hahatanty fanitsiana.

¹¹⁴ Ankehitriny dia mamele ahy hilaza an'ity, hoe izaho... Ao amin'ity zava-misy ity, tsarovy, Andriamanitra no mpitsarako. Izaho, William Branham ity, tsy afaka hilaza aho. Fa tao amin'ireo fahatsapana izay nijoroako vavolombelona raha

mbola teo ambanin'ny hosotry ny fivoriana tahaka an'izao, dia mino aho fa ilay olona izay nilaza an'ilay zavatra iray ihany hatrany foana, ilay hamafisam-peo iray ihany, dia tena miteny amin'ny fiteny tsy fantatra marina tokoa. Mino aho, mino aho, fa amin'ny alàlan'ny Fanahy no itenenan'izy ireo amin'ny fiteny tsy fantatra, raha Kristiana izy ireo. Miteny amin'ny fiteny tsy fantatra izy ireo, tsy misy fisalasalana. Saingy mino aho fa mahazo an'ilay fironana diso an'ny fandikana ianareo.

¹¹⁵ Ankehitriny, matetika, ireo olona... Izaho—izaho tsy... fantatro fa ireo olon'ny fiangonana fotsiny no eto, heveriko, izao hariva izao, na ahoana na ahoana, saiky. Sa tsy izany, Rahalahy Neville, saiky izany fotsiny no tonga? Noho izany raha eto ireo vahiny ka tsy mifanaraka amin'ity ianareo, dia miezaka miresaka amin'ny fiangonako manokana aho, hitanareo.

¹¹⁶ Ankehitriny, amin'ny maha-rainareo amin'ny Filazantsara, amin'ny maha—amin'ny maha-pasiteranareo, dia ho tiako any aoriana kely, rehefa manomboka eo amin'ny fahatanterehana ny fanahinareo sy ireo fanomezam-pahasoavanareo... Raha mandinika azy ireny mitroatra ianareo ka lasa... amin'izay fotoana izay dia tsaratsara kokoa ho anareo fotsiny ny manara-maso—manara-maso an'io olona io, avelao handeha fotsiny ilay izy satria tsy ny Fanahin'Andriamanitra no eo amin'izy ireo. Fa rehefa mora fanahy sy malemy fanahy ary manetry tena ka vonona izy ireo, sy ny sisa, dia izany no Fanahin'Andriamanitra. Ary raha—raha mivoaka amin'ny lamina ny olona iray ka tsy maintsy hiantso azy hipetraka ny pasitera, nefo misavoana io fanahy io, amin'izay fotoana izay dia tsy ny Fanahin'Andriamanitra izany. Mahatanty foana ny Fanahin'Andriamanitra, manatona ny Teny. Hitanareo? Mahafantatra ny Teny isan'andro Izy.

¹¹⁷ Ankehitriny, saingy ankehitriny dia tsy miezaka aho ny—ny—ny handoka na hanozongozona, miezaka manao fahamarinana iray fotsiny ihany aho. Ankehitriny, misy olona iray miteny amin'ny fiteny tsy fantatra, ary anankiray hafa mitsangana mba handika fiteny tsy fantatra. Henoy tsara ankehitriny. (Ary heveriko fa atao horonam-peo ity. Izany ve?) Ao amin'ny fandikana fiteny tsy fantatra... Ankehitriny, tsy maintsy hampiditra foto-pampianarana iray aho ankehitriny miaraka amin'ity. Ao amin'ny fandikana fiteny tsy fantatra, olona maro no mandika fiteny tsy fantatra amin'ny alàlan'ny fanehoana hafakely an'ny fihetseham-pony mba hilaza zavatra iray. Tsy izany no fandikana.

¹¹⁸ Ny fandikana dia rehefa miteny amin'ny fiteny tsy fantatra iray izy ireo, mandre azy ireo amin'ny teny Anglisy ianareo, ary mamerina hatrany fotsiny an'izay lazain'izy ireo. Fa ny... raha miteny ao amin'ny fiangonanareo io olona io... Tsy mieritreritra aho fa manana an'izany isika ao amin'ity anankiray ity. Raha misy izany, dia tsy mbola nandre an'izany mihitsy aho.

¹¹⁹ Fa mitsangana ny olona iray milaza teny anankiray ohatra, hatrany sy hatrany, na hamafisam-peo iray ihany mandeha mitohy hatrany, mitohy hatrany, mitohy hatrany, mitohy hatrany . . .

¹²⁰ Teneniko aminareo, tsy mino aho fa ato i Junie Jackson izao hariva izao. Ato ve izy? Tsy mihevitra aho fa ato izy. Fa gaga amin'i Junior Jackson foana aho sy ny fiteniny amin'ny fiteny tsy fantatra, sy Rahalahy Higginbotham, ary maro aminareo olona eto, ahoana fa hitanareo io fiovan'ny feo io ao amin'ilay fandikana. Hitanareo? Ankehitriny—ankehitriny mety tsara izany. Ankehitriny, izaho tsy . . . tsy manandratra ny fiangonako aho. Tsia, tomppoko. Raha nila fanitsiana ny fiangonako, izaho—hitsangana eto aho ary hanao ny tsara indrindrako ho an'ny Mpamonjiko, marina izany, na mandratra ilay izy na tsy mandratra. Izaho dia—rainareo amin'ny Filazantsara aho, hitanareo, ary tiako . . . Tsy mila fanahy ratsy iray ianareo, mila an'ilay fanahy tsara ianareo. Ianareo—ianareo tsy . . .

¹²¹ Nahoana no haka—haka mpisolo iray nefá misy an'ireo lanitra pentekotista manontolo izay feno an'ilay tena izy? Nahoana no hihinana ao anatin'ny daban-jaoridira nefá misy latabatra iray tsara, goavana, madio mipetraka eto miaraka amin'ny akoho sy bolety sy ny zavatra rehetra? Hitanareo? Nahoana isika no hanao an'izany? Hitanareo? Ndao isika haka an'ilay tena izy, izany no ilaintsika, ilay tena izy, anankiray tena izy.

¹²² Ankehitriny, mino aho, ao amin'ity filazana izay natao eto ity, zavatra iray ihany hatrany, mino aho fa ao amin'ity filazana ity dia marina izy roa, saingy tsy mino aho fa ilay mpandika dia mandika ny fitenin'ilay olona. Tsy mino an'izany aho. Mino aho fa manatrika ny Fanahy ary maminany ilay mpandika. Mino aho fa mpaminany izy raha tokony ho mpandika iray raha tsy mandre an'ilay feo izy ao amin'ny fiteniny mano- . . . “Ahoana no andrenesantsika ny olona tsirairay ao amin'ny fitenintsika manokana izay nahaterahantsika?” Hitanareo, tsy maintsy mandre ao amin'ilay iray ihany ianareo, tsy maintsy mandre an'ilay izy amin'ny teny Anglis y ianareo. Raha . . .

¹²³ Indro, indro ny *mpandika* iray. Ankehitriny, mitsangana aho, ary izaho—teny roa na telo fotsiny ihany no fantatro ao amin'ny—ao amin'ny—ao amin'ny fiteny hafa iray, izay fantatro. Ankehitriny dia haka an'ity ao amin'ny ara-bakiteny fotsiny aho, fa tsy ao amin'ny ara-panahy ankehitriny. Ankehitriny dia hilaza aho hoe, “Baie, baie bly. Izaho . . . Ekke wil Afrikaans sprekken.” Ankehitriny, misalasala aho raha misy olona iray eto izay mahafantatra an'izay nolazaiko. Hia, rahalahy, inona no nolazaiko? [Hoy ny rahalahy iray ao amin'ny fiangonana hoe, “Nilaza ianao fa afaka miteny Afrikaans ianao”—Mpand.] Afrikaans, “Baie, baie bly” “Izaho dia tena, tena sambatra.”

“Eto aho mba hiteny Afrikaans,” hitanareo, “Afrikaans sprekken.” Hitanareo? “Eto aho mba hiteny Afrikaans.”

¹²⁴ Ankehitriny, inona no nataony? Izy . . . Niteny Afrikaans aho saingy izy nandre ahy tamin’ny teny Anglisy. Marina ve izany? Satria mahay Afrikaans ianareo. Ankehitriny, raha miteny ianareo . . . raha mitsangana eto aho na milaza . . . mitory teny, ka mandika amin’ny fitenin’olona hafa Rahalahy Neville, hilaza amin’ny fitenin’izy ireo an’izay henony nolazaiko izy; fantany izay resahako satria hainy ny fiteniko.

¹²⁵ Ary raha miteny amin’ny fiteny tsy fantatra iray ianareo, ka mandika, dia mandre amin’ny fiteny izay nahaterahanareo ianareo, satria izany ihany no fomba tokana ahafahanareo mandika an’izay lazain’izy ireo, satria ny Fanahy Masina no nandika an’ilay izy taminareo ka miteny fotsiny ho an’ny Fanahy Masina ianareo.

¹²⁶ Fa amin’izay fotoana izay raha manatrika ny Fanahy mba hitahy an’io olona mampalahelo io, ka mitsangana izy ireo . . . Tahaka ny rahalahy antitra sarobidy iray, efa lasa, any amin’ny Voninahitra izy izao hariva izao, mino marina tokoa aho. Ilay fanahy malalaindrindra izay izaho . . . Rahalahy Ryan antitra, nahafantatra azy ny rehetra amintsika. Nipetraka teo amin’ny lèlambe izy fahiny . . . (Ary Andriamanitra, mamele ahy, tsy ho fanevatevana . . . fantatro fa ilay izy dia . . . Ny miteny ratsy ny Fanahy Masina dia tsy azo avela.) Fa Rahalahy Ryan dia nilaza teny iray miverina sy miverina hatrany foana fahiny, zavatra toy ny hoe “seekem sy seekem sy seekem,” na zavatra tahaka an’izany. Nanana izy fahiny . . . Nahoana, hoy ny olona iray hoe, “Mihevitra ve ianao fa avy amin’Andriamanitra izany?”

¹²⁷ Hoy aho hoe, “Izany tokoa, avy amin’Andriamanitra izany! Izany tokoa, mino aho fa avy amin’Andriamanitra izany.” Fa niteny tamin’ny fiteny tsy fantatra izy, saingy tsy afaka nilaza an’izay nolazainy aho satria tsy fantattro. Fa, ary teo ny fanatrehan’ny Fanahy.

¹²⁸ Noho izany raha eo ny fanatrehan’ny Fanahy, ka milaza teny anankiray fotsiny io olona io, hatrany sy hatrany ary hatrany, ka mitsambikina ity anankiray hafa ity ary miezaka manome fandikana iray, kanefa tsy fantany izay lazainy. Raha tsy manome ny fandikana io olona io, dia maminany izy; ny fanahin’ny faminaniana no eo aminy ary maminany izy, fa tsy manome dikany iray.

¹²⁹ Koa noho izany, ry Kristiana malala, ho anao izay nilaza hoe, “Mety ho ny Fanahy Masina ve izany?” Mety ho ny Fanahy Masina mampiasa asa anankiroa izany. Ny anankiray, fitahiana fanahy iray amin’ny fiteny tsy fantatra; ary ny iray hafa, maminany, tsy misy idirany amin’ny fandikana an’izay lazainy. Kanefa nolazainy ilay izy. Ny Fanahy Masina no tonga teo aminy tao amin’ny faminaniana tamin’ny fotoana iray ihany

izay nitenenan'io anankiray io tamin'ny fiteny tsy fantatra, ary nihevitra izy fa fandikana iray izany, inona no fahasamihafana ataon'izany? Izany no Fanahin'Andriamanitra manome hafatra iray ho an'ny fiangonana. Fa ny *fandikana*, izany dia tokony ho azo amin'ny teny Anglisy ary mamerina marina tokoa an'izay nolazain'ilay olona, izany no fanomezam-pahasoavan'ny fandikana.

148. Raha misy—raha efa nisy hafatra telo nivoaka tamin'ny fiteny tsy fantatra tao amin'ny favoriana anankiray, avy eo dia mety hisy hafatra amboniny mivoaka ve ao anatin'ny laharan-bavaka ary mbola ao anatin'ny lamina arapanahy an'ilay favoriana ve?

¹³⁰ Nahoana, izany tokoa. Marina izany. Azo antoka. Fantatro izay tianareo hahatongavana. Teo i Paoly, no nilaza hoe, "Raha izy ireo no... Raha maminany ianareo ka miteny amin'ny fiteny tsy fantatra," zavatra tahaka an'izany, Paoly dia miresaka ny...

¹³¹ Any aoriana kely, rehefa ianareo rehetra... Rahalahy Neville, rehefa tianareo rehetra ny hahafantatra, ireo olona izay manana an'ireo fanomezam-pahasoavana ara-panahy ireo... Ankehitriny, raha hatoky ny fahazoako ny Soratra ianareo, dia ho avy aho miaraka amin'ny favoriana iray miaraka aminareo olona izay manana an'ireo fanomezam-pahasoavana ireo irery fotsiny ihany, miaraka aminareo rehetra fotsiny, mba ahafahantsika mipetraka miaraka... Ary raha mahatsapa ianareo... Ary diniho, Rahalahy Neville, ka jereo ao amin'ny fiangonana, fa izany no Andriamanitra ary Andriamanitra mihetsika eo anivon'izy ireo, izany no ilantsika, fa tiantsika ny hametraka an'izany ao amin'ny lamina mba ahafahan'izany ho fitahiana ho an'ny fiangonana ary manao zavatra iray. Manana an'izany aho, fantatro, ary fantatro ny Soratra, inona no hatao. Ary izany no tiantsika hatao.

¹³² Ankehitriny, ity olona eto ity, fantatro ny fitenenana amin'ny fiteny tsy fantatra, natao hisy izany, ataovy mifandimby ilay izy, roa, na tsy mihoatra ny telo. Marina izany, saingy raha hahamarika ianareo eto, raha ilay izy dia...

¹³³ Tahaka ny olona iray fotsiny izay manolotra—manolotra eo... Ohatra hoe nitsangana Rahalahy Sothmann ka nanome hafatra iray tao amin'ny faminaniana na fitenenana amin'ny fiteny tsy fantatra. Ny fandikana fiteny tsy fantatra dia faminaniana, hitanareo, fanahin'ny faminaniana. Ankehitriny, raha miteny amin'ny fiteny tsy fantatra fotsiny ianareo, ka tsy misy mpandika, dia voatahin'ny Fanahy izany olona izany, saingy tsy mandratra ny fiangonana izy.

¹³⁴ Ankehitriny, ny ezahan'i Paoly hahatongavana dia ity, "Ampiasainareo amin'ny fitenenana amin'ny fiteny tsy fantatra fotsiny ilay favoriana manontolo, hitanareo, ka hoy ny tsy nampianarina hoe, 'Inona—inona ny mikasika an'izao, na

ahoana na ahoana?”” Hitanareo, tsy azon’izy ireo izany raha tsy misy fandikana iray. Ary aoka hisy... hanana anankiray, roa, na fara-fahabetsany hafatra telo ao amin’ny favoriana iray.

¹³⁵ Ankehitriny, hoy ilay olona eto hoe, “Ary amin’izay fotoana izay ao anatin’ilay laharam-bavaka?”” Tsy maintsy ho efa nisy olona iray angamba tao anatin’ny laharam-bavaka... Angamba, Rahalahy Neville, na tao amin’ny fiangonana iray hafa na avy aiza ilay izy, hoe tao anatin’ny laharam-bavaka ity olona ity... na tao amin’ny favorian’ny fanasitranana avy amin’Andriamanitra, mety efa tao amin’ny favorian-dRahalahy Roberts, favorian-dRahalahy Allen, na anankiray, tao amin’ny favoriako na olon-kafa iray, tsy fantatro. Fa, na inona na inona ilay izy, izay resahan’i Paoly dia ny amin’ny hafatra iray ho an’ny fiangonana eo hoe, “Aoka ho telo fotsiny izany,” satria ny hafatr’Andriamanitra dia miresaka hafatra iray miezaka ny mampita an’izany amin’ny fiangonana. Fa rehefa ilay olona no ao anatin’ny laharam-bavaka, dia maminany ho an’ny isam-batan’olona iray izy, fa tsy ilay manontolo. Raha izany no izy, dia efa tany ivelan’ny lamina aho hatramin’izay tao anatin’ireo laharam-bavako, hitanareo, nefo nisy telopolo na efapolo tamin’izy ireo tao amin’ny hariva iray? Hitanareo, raha maminany ho an’ny isam-batan’olona iray ianareo.

¹³⁶ Fa ity olona maminany ity dia ho an’ilay vatana manontolo, aoka ho hafatra roa na telo izany ary avy eo dia ajanony ilay izy. Na dia mety mbola te-hiteny foana aza ny Fanahy Masina, saingy andraso iray minitra, omeo anjara iray ny Teny mba hivoaka. Hitanareo? Ary avy eo, marina tokoa, io fitenenana io dia tokony na ho aloha na ho aorian’ny Teny, tsy misy na inona na inona tokony hampiato ny Teny raha mbola mivoaka Izy. Fa, na izany aza, dia handamina an’izany isika any aoriana rehefa manomboka tonga ao amin’ny fahatanterahana ireo fanahintsika sy ireo fanomezam-pahasoavantsika.

¹³⁷ Miresaka isika ankehitriny eo—eo amin’ireo fahamatoran’ny Fiangonana pentekotista, ilay tena Fiangonana pentekotista no tiako lazaina. Ary faly isika fa mbola velona sy manjaka ary miresaka amintsika foana Andriamanitra.

¹³⁸ Ankehitriny, fa raha ilay izy no tahaka, ohatra, raha ilay anabavy eto no hanome antsika hafatra iray amin’ny fiteny tsy fantatra na faminaniana, ka ilay ramatoa eo akaikiny hanome hafatra iray amin’ny fiteny tsy fantatra na faminaniana, ary avy eo ilay ramatoa eo akaikiny na olona iray ery aoriana ery, olona iray hanome hafatra iray na faminaniana, na fiteny tsy fantatra. Tsy isalasalana fa saiky ny rehetra dia miteny mikasika an’ilay zavatra iray ihany, raha manana hamehana iray Andriamanitra, miezaka hampita zavatra iray, miantso isam-batan’olona iray ao amin’ny fiangonana mba hanao zavatra iray, ankehitriny, na zavatra izay Tiany ho vita.

¹³⁹ Ankehitriny àry, ohatra, voaantso ilay laharam-bavaka, ary Rahalahy Neville na ny tenako na ny mpitoriteny hafa iray no manatona an'io isam-batan'olona io, dia tsy ho an'ilay vatana izany, ho an'io isam-batan'olona io izany. Ary tonga eo aminy ny Fanahin'Andriamanitra mba hiteny zavatra iray amin'io isam-batan'olona io, avy eo teneno izy, satria tsy miresaka amin'ilay fiangonana izy. Miresaka amin'io isam-batan'olona io izy, fa tsy amin'ilay fiangonana manontolo, noho izany dia mety tsara izany.

149. Eny àry, Rahalahy Branham Malala, matetika mihitsy ny Tompo no maneho zavatra amiko ao anatin'nynofy. Efa naneho zavatra tamiko Izy mikasika ny zanakolahy ao amin'ny tafika an-dranomasina, izay notenenin'ny zanakolahy tamiko fa "tsiambaratelo". Efa naneho tamiko an'ireo fahafatesan'olona Izy ary ny amin'ireo tsiambaratelon'ny fon'ny olona. Fanomezam-pahasoavana iray avy amin'Andriamanitra ve izany? Rehefa maneho amiko ao anatin'nynofy an'ireo fo sy fisainan'ny olona Izy, ny zavatra rehetra dia mitranga foana tahaka ny asehon'ilaynofy amiko.

¹⁴⁰ Nahoana, eny, ry rahalahiko na anabaviko, na mety ho iza ilay izy. Ny Tompo hitahy anao. Izany dia, araka ny hevitro, no fanomezam-pahasoavana avy amin'Andriamanitra. Fanomezam-pahasoavana avy amin'Andriamanitra izany. Tsy fantatratrevo ve fa miresaka ny amin'ireonofy ny Baiboly? Josefa, ahoana fa nanonofynofy izy ary nandika, ary ahoana fa ireo sasany dia nanonofynofy. Avy amin'Andriamanitra ireny zavatra ireny. Ankehitriny, raha avy amin'Andriamanitra ilay izy, dia ho tena marina foana izany, hitranga foana arak'izay Nolazainy marina tokoa izany.

¹⁴¹ Ary ankehitriny aza... Raha manomboka misehoseho amin'izany ianareo, dia hiala aminareo mihitsy izany. Hitanareo, aoka hanaja sy ho mora fanahy fotsiny. Ary rehefa maneho zavatra iray aminareo Izy, ka zavatra izay tokony ho teneninareo amin'ny olona iray ilay izy, hoe nanao zavatra izay ratsy izy ireo, amin'izay fotoana izay dia aza mitsangana avy hatrany ka miteny mafy an'io olona io, mandehana mankany amin'izy ireo ny tenanareo ka manaova hoe, "Ranabavy, rahalahy, fantatrapao, niteny tamiko ny Tompo indray hariva fa—fa nanao zavatra ratsy ianao, zavatra *anankiray*."

¹⁴² Raha hoy io olona io hoe, "Diso ianao! Lainga izany! Tsy nanao an'izany aho!"

¹⁴³ Ankehitriny, ny zavatra hatao amin'izay fotoana izay dia ny miverina ka manao hoe, "Ray any An-danitra, diso ve izany?"

¹⁴⁴ Ankehitriny, raha io olona io... Avy eo raha niteny taminareo ny fahamarinana io olona io, amin'izay fotoana izay dia ianareo no manana an'ilay fanahy ratsy. Fa raha nandainga

io olona io, ka tena nataony ilay izy, dia Andriamanitra no hisahana an'io olona io. Hitanareo? Eny, tompoko. Satria, hitanareo, inona no nataony teo, niteny ratsy nanohitra ny Fanahy Masina izy, nandà an'izay niantsoan'ny Fanahy Masina ny fifantohany. Hitanareo ve eto? Noho izany dia zavatra ratsy ilay izy.

150. Rahalahy Branham, ahoana no ahafahan'ny—ny fiangonana iray handihy, hihiakiaka, hiteny amin'ny fiteny tsy fantatra, ary mamela ny Fanahy... (ndao jerentsika, andraso iray minitra ankehitriny)...ary very ao amin'ny Fanahy, ary fotoana tena mahalana mihitsy aza no amakiana ny Soratra. Tsy azoko ilay izy.

¹⁴⁵ Na izaho koa aza; hitanareo, “mihiakiaka, mandihy, miteny amin'ny fiteny tsy fantatra, nefy tsy mamaky ny Soratra akory aza.” Izaho—izaho—milaza an’izao aho, tsarovy, William Branham, izay mety diso hatrany amin’ny an-tapitrисаны maily. Mino aho fa ny ankamaroan’ny olona... Nametrahan’ny rahalahy iray an’io fanontaniana io aho androany, zavatra iray eo amin’io laharana io. Hoe, rehefa manomboka mivavaka ho an’ny marary izy ireo, rahalahy iray angamba no hivavaka ho an’ny anankiray, avy eo dia manao azy rehetra ireo hihira na handihy ao amin’ny Fanahy, mihevitra fa izany no mitondra ny hery eo anivon’ny olona. Tsia, izaho—izaho ho an’ny tenako, dia mino aho fa diso izany.

¹⁴⁶ Mino aho fa ny olona iray tonga ao amin’ny fivoran’ny fanasitranana dia ho toy ny tonga ho an’ny famonjena, tonga ampanajana, mino. Ny olona rehetra ato anatiny ato, tsy mihiakiaka sy mandihy, fa mahita ny rahalahiny na anabaviny miakatra eto mba hangataka famindrampo amin’Andriamanitra, aondreho ny lohanareo ary manomboha mivavaka hoe, “Andriamanitra, ampio ny rahalahiko ankehitriny raha mivavaka ho azy ny pasitera, manosotra azy. Aoka ho tonga eo aminy ny Fanahy Masina ka hanome azy finoana mba hinoana ho an’ny fahasitranany. Rahalahy sarobidy iray izy. Anabavy sarobidy iray izy.” Aoka hivavaka ho azy raha tokony hihira fotsiny, hihiakiaka ary handihy.

¹⁴⁷ Fa mahita betsaka an’izany isika ao amin’ireo fivorantsika Pentekotista, izany dia tsy anktsahatra iray... Mino aho fa fanompoana iray izany, mino marina tokoa aho fa manompo an’Andriamanitra izy ireo. Eny, tompoko. Mino an’izany amin’ny foko rehetra aho. Ary mino ny fitenenana amin’ny fiteny tsy fantatra aho, mihiakiaka sy mandihy. Ary mino ny kely tsirairay amin’izany aho, eny. Mino aho fa ny zavatra rehetra izay ataon’izy ireo ao amin’ny Baiboly dia tsara mihitsy androany tahaka ny naha-izy azy tamin’izany, azo antoka, saingy mino aho fa manana ny fotoany sy ny laminy izany.

¹⁴⁸ Ankehitriny, raha mandeha ny fitahiana lehibe, ka mihiakiaka ny olona, ary mirotsaka ny voninahitry ny Tompo, ka te-hiantsoantso sy hihiakiaka ny olona ary hanao an'izay rehetra tenenin'ny Fanahy amin'izy ireo. Mandrosoa, mety tsara izany. Fa rehefa manatona mba ho sitranina ny olona iray, ka miditra ny fanontaniana eo anelanelan'ny fahafatesana sy ny fiainana, dia mino aho fa tokony hanaja isika ary hiteny amin'ny Ray ka hiresaka Aminy ho an'io rahalahy io. Raha tokony hanompo Azy, dia ndao isika hangataka Aminy hoe, "Ray, izaho dia—izaho dia mpanompo iray amin'ireo Anao. Tiako Ianao, Fantatrao fa tia aho, maneho ny fitiavako Aminao aho. Ankehitriny dia maneho ny finoako Aminao aho, ampio ny rahalahiko mba ho salama. Sitrakao ve, Ray?" Mino aho fa hahazo vokatra tsaratsara kokoa ianareo amin'ny fanaovana an'izany. Mino marina tokoa aho. Ao amin'ny fanajana, ny Fanahin'Andriamanitra.

¹⁴⁹ Oadray, mety tena zato maily angamba ny halavan'ireto saingy manantena aho fa nahavalys azy ireo, nanipy Hazavana bitika kely fotsiny. Somary fantattro izay ao an-tsainareo ankehitriny, na ahoana na ahoana. Ary ho teneniko aminareo hoe inona, any aoriana kely dia te-hangataka ny pasitera eto aho raha ho avy izy ka hanampy ahy mba...angamba ho tonga ka hitondra ny olona rehetra miaraka izay manana ny Fanahin'Andriamanitra eo amin'izy ireo amin'ny endrika fanomezam-pahasooavana, ndao isika hiresaka mikasika an'izany vetivety. Afaka hanampy anareo aho angamba mba hihanika an'ilay tohatra avoavo kely fotsiny ka hanatona akaiky kely kokoa an'Andriamanitra miaraka amin'izany, ary hametraka an'izany ao amin'ny lamina kokoa ao amin'ny fiangonana. Efa ela aho no nanara-maso, toa mahafinaritra izany amiko. Ary tiako fotsiny ny hahita an'izany mandroso hatrany sy hatrany, ary hatrany sy hatrany.

¹⁵⁰ Ary raha mandroso isika, dia aza mamela an'i Satana hitsofoka, ankehitriny. Ry tovolahy, manan-tsaina izy. Ahm. Aza mametsifetsy azy, aza manandrana, satria tsy afaka ianareo. Miankina fotsiny amin'Andriamanitra ka manohiza mandeha am-panetre-tena, dia Andriamanitra no hanao an'ilay izy, ary ho hitanareo fa Andriamanitra dia hampiasa anareo betsaka sy betsaka ary betsaka tahaka an'izany. Ny Tompo hitahy anareo.

¹⁵¹ Manana fotoana mandritry ny roapolo minitra hiresahana ve isika? [Hoy ny fiangonana hoe, "Amena!" —Mpand.] Misaotra anareo. Misaotra anareo. Ataoko fa ampy hanombohako izany, Ben. Eny àry.

¹⁵² Ndao isika hamadika ao amin'ny Salamo vetivety fotsiny. Toa nanome ahy fisainana kely iray ny Tompo eto izay tiako haseho aminareo rehetra izao hariva izao ao amin'ny fanaon'ny toriteny iray fotsiny, raha sitrakareo, izao fotsiny—minitra vitsy fotsiny. Fantattro fa mafana ny andro, ary eto ambony eto dia mafana, ihany koa. Fa, tsarovy, tsy hihaona

intsony isika, angamba, raha tsy amin'ny Alarobia hariva. Noho izany dia ndao isika hiandry fotsiny ary—ary alohan'ny hirantsika an'ilay hira tsara fahiny hoe *Isaorana Anie Ilay Tady Izay Mamatotra*, dia ndao isika—ndao isika hiresaka mikasika ny—ny Teny voasoratra. Ireto fanontaniana ireto dia somary nanao antsika . . . namela antsika tao anatin'ny fiahiahiana iray. Ndao isika—ndao isika hivoaka amin'izany ankehitriny, ka—ka hiresaka ao amin'ny Teny.

Ankehitriny dia afaka hanondrika ny lohantsika vetivety fotsiny indray ve isika.

¹⁵³ Ray any An-danitra, ireto fanontaniana ireto, efa niezaka aho ny hahita an'izay nananan'ireo olona tao am-pon'izy ireo, hahita raha hanontany izy ireo mikasika an'ity, mikasika an'itsy. Hitako, Tompo, fa maniry an'ireo fanomezam-pahasooavana arapanahy izy ireo. Ary ireo izay manana an'ireo fanomezam-pahasooavana ara-panahy dia manontany hoe ahoana no itondrana an'izany. Ho an'ny sasany, dia manipy Hazavana lehibe iray eo amin'ny fiangonana izany; ho an'ireo hafa dia manontany izy ireo. Ankehitriny, Tompo, ampio izahay. Ampio izahay, Tompo. Izahay no Zanakao. Tsy manao an'ireo zavatra ireo izahay mba hanome haja ny tenanay, manao an'izao izahay ho an'ny haja an'Andriamanitra amin'ny alàlan'ny fanomezam-pahasooavana iray izay nomen'Andriamanitra anay.

¹⁵⁴ Mivavaka izahay, Ray, mba Hitahianao an'ireo fanomezam-pahasooavana ireo sy haneho azy ireo ao amin'ny fiangonana. Ary enga anie hiseho ny hoe ireo mpivahiny sy vahiny, izay mandalo, izay niditra tao amin'io varavarana io ka nipetraka minitratrity, ary enga anie ho tena lehibe ato ny Fanahin'Andriamanitra hany ka hampahafantatra ny tsiambaratelon'ny fo tsirairay izay miditra ny varavarana izany. Ekeo izany, Tompo. Enga anie izany hisy miaraka amin'ny tena fahamoram-panahy sy fanetretena, tsy ho henjana mihitsy sy hiteny mafy ary hamotika. Fantatray fa tsy tahaka an'izany ny Fanahin'Andriamanitra.

¹⁵⁵ Noho izany dia mivavaka izahay mba Hitahianao anay amin'ny zavatra rehetra. Tahio ny fiangonanay, tahio ny olonay. Tahio ny olon'ireo fiangonana hafa. Ary, Ray, fantatray fa Fiangonana anankiray ihany no misy ary teraka tao anatin'Izany izahay rehetra.

¹⁵⁶ Mivavaka aho ankehitriny, Ray, mba Hitahianao anay ankoatr'izany raha mamaky an'ity lahateny kely izay toy ny Nomenao ahy ity izahay, nipetraka tao akaikin'ny birao tamin'ity tolakandro ity. Ary ampio aho, Tompo, tsy hihazona ny olona ela loatra, fa hiteny teny vitsy fotsiny eto. Mivavaka aho mba Ianao no ho ao anatin'izany. Ary omeo fisainana kely izahay, mba ahafahanay handeha hody miaraka amin'izany ka hisaotra ny Tompo nohon'ny Fahatsarany. Mangataka amin'ny Anaran'i Jesosy izahay. Amena.

¹⁵⁷ Ankehitriny, aza adino, amin'ny Alahady heriny maraina, raha sitraky ny Tompo.

¹⁵⁸ Ankehitriny mamadiha ao amin'ny Salamo 106, ary ny andininy faha-7. Saika hitohy hamaky midina aho, tapany iray . . . ampahany iray an'ity Salamo ity. Saingy, i Davida izany. Nahoana no tonga tamiko izany, dia nohon'ny hafatra aninkeo maraina io. Ary, hametraka ny famantaranandroko eto aho ka hiezaka ny hivoaka amin'ny sivy sy sasany, raha tena azo atao. Ankehitriny eo amin'ny andininy faha-7-n'ny Salamo 106.

Ny razanay dia tsy mba nahazo an'ireo fahagaganao tany Egypta; tsy nahatsiaro ny habetsahan'ny famindramponao izy ireo; fa nihodina taminy teo amin'ny ranomasina, dia . . . ny ranomasina Mena.

¹⁵⁹ Hamaky ny andininy manaraka aho.

Kanefa namonjy azy ireo izy nohon'ny anarany, mba ahafahany mampahfantatra ny heriny lehibe.

Hanampy an'ireo Fitahiany anie ny Tompo.

¹⁶⁰ Hiresaka aminareo aho, raha sitraky ny Tompo, eo amin'ny lohahevitra ny amin'ny *tsy fahazoana tsara*; Andriamanitra, tsy azo tsara. Ho raisiko tahaka an'izao ilay izy: *Andriamanitra Tsy Azo Tsara*.

¹⁶¹ Fantatrareo, ny tsy fahazoana tsara no mampiditra antsika ao anatin'ny olana betsaka. Matetika ny olona dia milaza an'ireo zavatra izay averin'izy ireo avy tamin'olon-kafa, nefo, tsy azon'izy ireo tsara izy ireny. Izany no mampiditra olona iray ao anatin'ny olana. Mino aho fa ho tsara ho antsika raha isika fotsiny, eny, no miandry mandra-pahazoantsika an'izay resahantsika. Mino tahaka an'izany ve ianareeo? Fantattro fa ilay izy dia ho, ho ahy, zavatra tsara iray ho ahy ny mahita aloha ary avy vao milaza an'ilay izy. Hitanareo? Fa isika isan'andro dia, toy ny hoe, tsy nahazo tsara. Ary eto Davida dia miresaka ny amin'ny Isirael, tsy nahazo tsara an'ireo Fahagagany rehefa tany Egypta izy ireo.

¹⁶² Ankehitriny, ny tsy mahazo tsara dia tsy milaza fotsiny hoe, "Eny, tsy reko izay nolazainy," fa mahita zavatra iray vita nefo tsy mahazo tsara hoe *ho an'ny inona izany*. Izany dia ny . . . Izany dia, diso an'ilay sambo ianareeo, ny manontolo rehetra amin'izay fotoana izay.

¹⁶³ Ankehitriny, Andriamanitra dia tsy manao fahagagana mba hilaza fotsiny hoe, "Hitanareo, Izaho no Andriamanitra." Andriamanitra dia manao fahagagana ho an'ny fahazoana iray. Hitanareo? Manao an'ilay izy ho an'ny tanjona iray Andriamanitra. Ary efa voamarikareo ve ny famakiana ny Salamo eto ao amin'ity andininy faha-7 ity? Heveriko fa tena tsara tarehy izany, tiako ny hamaky azy indray.

Ny razanay dia tsy mba nahazo an'ireo fahagaganao tany Egypta; (hitanareo, tsy azon'izy ireo izany) . . . tsy nahatsiaro ny habetsahan'ny famindramponao izy ireo; fa nihodina taminy tao amin'ny ranomasina, dia . . . ny ranomasina Mena.

Kanefa namonjy azy ireo izy nohon'ny anarany, mba ahafahany mampahafantatra ny heriny lehibe.

¹⁶⁴ Hitanareo, tsy azon'izy ireo hoe nahoana io Andriamanitra io, tany Egypta, no nanao an'ireo fahagagana ireo. Niezaka ny naneho tamin'izy ireo ny Famindrampony Izy. Niezaka nanao azy ireo hahazo Izy fa Izy no Andriamanitra teo afovoan'izy ireo. Tiako izany.

¹⁶⁵ Tao amin'ny toriteny keliko izay notoriako teto fotoana vitsy lasa izay, tany Chicago, ary avy eo dia mino aho fa notoriako teto izany, manana an'izany eo amin'ny horonam-peo ireo tovolahy, *Tahaka Ny Voromahery Manaitra Ny Akaniny*, manidintsidina eo ambonin'ny zanany. Toy ny ahoana no itondran'ilay renim-boromahery antitra an'ireo zaza keliny . . . Alohan'ny hitondrany azy ireo eo amin'ny fanidinana iray, dia manana volo malemy betsaka izy ireo ao anatiny. Ary tsy mbola nahita azy mihitsy marina tokoa tao amin'ny tsara indrindrany izy ireo satria izy rehetra dia nitakoko tao anatin'ny akany. Fa miakatra eo ambonin'ilay akany izy ka mamelatra an'ireo elany goavana mahery. Inona no ataony? Miantsoantso izy, mila azy ireo hahafantatra ny feony izy. Mamelatra an'ireo elany goavana izy.

¹⁶⁶ Ny voromahery vavy matetika no manana ny lehibe indrindra. Nilazana izy ireo fa ireo voromahery indraindray, ireo vavy goavana, dia manana elatra efatra ambin'ny folo dian-tongotra avy amin'ny tendrony mankany amin'ny tendrony, maka zanak'omby iray ary manidina miaraka amin'izany. Efatra ambin'ny folo dian-tongotra, tendrony avy amin'ny tendrony; ireo elatra, lavitra tahaka ny fivelaran'ity lampihazo eto ity mihitsy, avy amin'ny andry mankany amin'ny andry.

¹⁶⁷ Miakatra eo izy eo anoloan'io vorona kely io, satria nahoana? Hitondra azy eo amin'ny fanidinana iray izy. Tsy mbola nivoaka tao amin'io akany io mihitsy izy. Ary hitondra azy any ambony any amin'ny lanitra any izy ary avy eo dia hamotsotra azy, ka hamela azy eny ambony eny hiantona irery, hianatra hoe ahoana no fanidina. Noho izany dia te-haneho ny fahefana izay ananany izy. Mamelatra an'ireo elany goavana izy ho an'ny fanabontsinana an'ireo volo, ary miantsoantso izy, ary avy eo dia mikopaka azy ireo. Oh, oadray! Manidina miala ao amin'ilay akany ireo volo, sy ny zavatra hafa rehetra, mitsoka rivotra ao anatiny ao izy tahaka ny avy amin'ny fiaramanidina haingampandeha iray. Mandona azy mankany aoriania, ary mitsilany amin'ny lamosiny kely izy, ka miandrandra ary mieritreritra hoe, "Neny, fa lehibe ianao! Fa lehibe ianao!"

¹⁶⁸ “Hitanao ve hoe mahery toy ny ahoana ireo elatro? Afaka maka anao aho ary mitondra anao na aiza na aiza tiako hitondrana. Matanjaka aho!”

¹⁶⁹ Ary izany no nataon’Andriamanitra tamin’ny Isiraely. Fantatrareo, hoy Izy hoe, “Tahaka ny voromahery manaitra ny akaniny,” ilay zavatra iray ihany izany. Nahita ny Isiraely tao amin’ny tany fidradradadrana iray Izy tany, ary nitondra azy nivoaka an’i Egypta Izy ka nitondra azy nankao amin’ny tany nampanantaina, teo amin’ny elatry ny voromahery iray. Hitanareo? Ary inona no nanaovan’Andriamanitra an’ireo fahagagana ireo? Niezaka ny hampahafantatra ny Olony Izy hoe Izy no Jehovah mahery.

¹⁷⁰ Ary izany no Ezahany atao androany! Tsy manasitrana ny olona fotsiny Izy satria fotsiny hoe afaka manasitrana Izy. Miezaka ny hampahafantatra anareo Izy hoe Izy no Fitsanganana, ka afaka manao anareo ho salama Izy, afaka manangana ny vatanareo Izy. Afaka manao izay rehetra Tiany atao Izy, Izy no Jehovah! Tiako izany.

¹⁷¹ Saingy ny olona no tsy mahazo tsara Azy. Andriamanitra dia mora tsy azo tsara mihitsy amin’ireo tsi-mpino, amin’ireo izay tsy te-hahazo. (Olona maro no miezaka hahazo.) Maro no tsy te-hahazo, mampikatona ny tenany fotsiny izy ireo, ka manao hoe, “Tsy misy ny zavatra tahaka an’izany,” sy “Tsy mino ny tahaka an’izany aho.” Amin’izay fotoana izay dia tsy afaka hahazo mihitsy izy ireo.

¹⁷² Fa ny olona iray izay manaiky ny hahazo, izay manaiky hipetraka (“Fa avia ndao isika hiaraka hifandahatra,” hoy ny Tompo) ankehitriny, izany olona izany no—no eo amin’ny laharan’ny fianarana zavatra iray avy amin’ny Tompo. Fa ireo olona izay miara-miasa amin’Andriamanitra foana sy ny herin’Andriamanitra... Zara ianareo raha afaka miara-miasa amin’Andriamanitra raha tsy miara-miasa amin’ny Heriny, satria rehefa miara-miasa Aminy ianareo dia mahafantatra Azy tsara, na havana iray ianareo ho Azy, ary amin’izay fotoana izay dia manana ny Heriny ianareo ao anatinareo.

¹⁷³ Izany no antony tsy ahafahan’ny olona mino an’ireo fahagagana amin’izao andro izao, satria tsy manana na inona na inona inoana izy ireo ao anatininy. Tsy manana zavatra iray izy ireo ao anatininy mba hinoana. Ary rehefa ao anatin’ny olona iray ny Fanahin’Andriamanitra, dia hanao “amena” amin’ny Tenin’Andriamanitra tsirairay sy ny fahagagan’Andriamanitra tsirairay izy. Fa araka ny nolazain’i neniko fahiny hoe, “Tsy afaka mahazo rà avy amin’ny nave iray ianareo, satria tsy misy rà ao anatininy.” Koa ilay zavatra iray ihany izany, tsy afaka mahazo finoana avy amin’ny tsi-mpino ianareo, satria tsy misy na inona na inona ao mba hinoana.

¹⁷⁴ Hoy ny lehilahy iray hoe, “Tsy mino ny fanasitranana avy amin’Andriamanitra aho, tsy mampaninona izay ho lazainao.” Izany tokoa, tsy ho azy ilay izy, ho an’ireo izay afaka mino fotsiny ihany izany. Raha haka rà ianareo, dia alaivo avy amin’ny zavatra izay manana rà ao anatiny izany. Raha haka finoana ianareo, dia alaivo avy amin’ny zavatra izay manana finoana ao anatiny izany.

¹⁷⁵ Ary tahaka an’izany ilay izy, Andriamanitra dia mampiasa zavatra izay manana finoana ao anatiny. Tsy maniraka anareo ao amin’ny asam-pitorian’ny fanasitranana eto Izy nefá tsy manana finoana ampy hinoana an’izany ianareo. Ahoana no Hanirahany anareo any amin’ny asam-pifohazan’ny fahagagana iray nefá ianareo tsy manana finoana ampy hinoana an’izany? Mila zavatra izay manana zavatra ao anatiny ao Izy izay Ahafahany mamokatra zavatra iray. Noho izany dia tsy mahazo tsara ny olona.

¹⁷⁶ Noa dia tena tsy azo tsara betsaka tokoa tamin’ny androny. Noa, nahafantatra tsara an’Andriamanitra, mpanompon’Andriamanitra iray, mpino an’Andriamanitra iray. Ary rehefa lasa mpino an’Andriamanitra iray ianareo dia manao an’ireo zavatra tena mifanohitra amin’izay heverin’ny olona fa marina hany ka mihevitra izy ireo fa adala ianareo. Ary Noa, dia nampitandremar’Andriamanitra, nanamboatra sambofiara iray ho an’ny famonjena ny ankohonany. Ary nihevitra ny olona fa adala izy. Tsy adala izy, tsy azo tsara fotsiny izy satria nanaraka ny fitarihan’Andriamanitra. Amena! Tiako izany. Tsy azo tsara izy.

¹⁷⁷ “Ahoana no ahafahan’ny lehilahy iray, na izany aza . . .” Hoy ianareo hoe, “Tsy nisy orana mihitsy tonga avy tany an-danitra. Inona izany orana izany?” Tsy nanorana mihitsy, Andriamanitra no nanondraka ny tany. “Noa, aiza izany orana izany?”

“Tsy fantattro.”

“Asehoj ahy hoe aiza izany!” “Tsy afaka maneho an’izany aminareo aho.”

¹⁷⁸ “Eny, ahoana no ahafantaranao fa hilatsaka avy any ambony any izany nefá tsy misy na inona na inona hilatsaka any ambony any?”

¹⁷⁹ Mety nilaza zavatra iray tahaka an’izao i Noa hoe, “Andriamanitra no niteny tamiko fa hilatsaka izany. Ary raha Andriamanitra no nilaza hoe ‘hilatsaka izany,’ dia afaka haka an’izany any ambony any Izy ary avy eo dia hampidina an’izany.” Koa izany—nilamina hatreo izany. Raha Andriamanitra no niteny an’izany, dia izay ihany no misy amin’ilay izy. Hitanareo? Tsy azo tsara izy satria nanaraka an’Andriamanitra.

¹⁸⁰ Elia. Afaka mijanona ela be eto amin’ireto lohahevitra ireto aho, saingy manana maro amin’izy ireo aho eto izay tiako ahatongavana haingana mihitsy. Tsy azon’ny fireneny tsara i

Elia. Isiraelita iray i Elia, Jiosy iray izy, ary tsy azo tsara izy satria nanameloka foana ny fireneny, nanameloka an'ilay mpanjaka, nanameloka an'ilay mpanjakavavy, nanameloka ny zavatra rehetra izay nisy nanodidina. Ary nanameloka azy ireo! Mahatsikaiky iray toy ny inona izy. Nahoana, oadray, ny zavatra rehetra, izany dia: "Ry mpanjaka, HOY NY TOMPO HOE. Hanasazy anao Andriamanitra; ianao, ry Jezebela; ianao, *ranona-sy-ranona.*"

¹⁸¹ Tsy azo tsara izy. Nahoana? Nanaraka an'Andriamanitra izy. Tsy i Elia no tsy azon'izy ireo tsara, ilay asan'ny Fanahy Masina tao amin'i Elia no tsy azon'izy ireo tsara.

¹⁸² Ahoana no ahafahan'ny lehilahy iray hitsangana hanohitra ny fireneny manokana? Niteny ratsy ny fireneny manokana, nanitsy, ary nametraka an'ireo ozon'Andriamanitra teo ambonin'izany, ilay tena firenena mihitsy, ireo tena vahoaka mihitsy izay niarahany niaina. Ny firazanany manokana, ny lokony manokana, ny fanekem-pinoany manokana, ny karazany manokana, kanefa dia nilaza mialoha an'ireo fitsaran'Andriamanitra ka niantso mosary teo amin'izy ireo. Tsy azo tsara izy, satria tsy i Elia izany, Andriamanitra tao amin'i Elia no tsy azon'izy ireo tsara. Tsy i Elia no tsy azo tsara, ilay izy dia Andriamanitra izay nitarika an'i Elia, ary tsy azon'izy ireo tsara fa Andriamanitra dia Andriamanitra Masina iray ary tsy afaka mandefittra amin'ny fahotana Izy.

¹⁸³ Ary tsy mampaninona raha eo amin'ny rahalahinareo ilay izy, rahavavinareo, na reninareo, tsy mampaninona na iza izany, izany dia fahotana eo imason'Andriamanitra ary ho tonga eo amin'izy ireo ny fitsarana noho izany. Tsy azo tsara.

¹⁸⁴ Tsy azo tsara i Daniela rehefa niankohoka teo amin'ilay sarivongana ny sisa rehetra tamin'ireo zanak'Isirael, fa izy sy Sadraka sy Mesaka ary Abednego kosa nandà ny hiankohoka. Eny, hoy izy ireo hoe, "Inona ny olana aminy?" Hoy ny firenena manontolo hoe, "Inona ny olana amin'io zalahy adala io? Eny, ny sisa rehetra amin'ireo Hebreo dia manaiky ny andriamanitsika, manaiky an'izany izy ireo, miankohoka izy ireo rehefa mitendry an'ireo trompetra isika, sy mitsoka an'ireo trompetra ary mitendry an'ireo valiha, sy ny sisa, ary mitsoka an'ireo sobaba. Miankohoka izy rehetra, fa inona ny olana amin'io mahatsikaiky io? Inona ny olana aminy, tsy hanao an'izany izy?" Satria nifandray tamin'Andriamanitra izy! Izany ilay olana. Tsy azo tsara izy. Natao ho adala izy, na nahavery ny sainy, na andiana masiaka iray izy ireo. Fa nanaraka ny fitarihan'ny Fanahy fotsiny ihany izy ireo. Izany no antony nahatonga azy ireo tsy azo tsara.

¹⁸⁵ Ireo mpaminanin'ny Testamenta Taloha rehetra, ahoana fa nitsangana izy ireo ka naminany nanohitra ny fireneny, ahoana fa naminany nanohitra ny vahoakany izy ireo, ahoana fa naminany nanohitra an'ilay zavatra izy ireo, nametraka

ozona teo amin'izy ireo, ary nanao zavatra tahaka an'izany. Tsy nahazo tsara izy ireo. Nahoana? Mpanompon'Andriamanitra izy ireo, nanao ny sitrapon'Andriamanitra izy ireo, nanao ny asan'Andriamanitra izy ireo, noho izany dia tsy azo tsara izy ireo.

¹⁸⁶ Ary ny olona iray izay manaraka an'Andriamanitra dia tsy azo tsara. Jesosy, ilay Tompontsika, tamin'ny Fahaterahany, dia tsy azo tsara Izy.

¹⁸⁷ Ireo Magy, tsy azo tsara izy ireo, nanaraka famantarana iray ivelan'ny voajanahary izy ireo mba hahita Mpanjaka iray izay teraka ho Mpanjakan'ny Jiosy. Fantatr'izy ireo fa nisy Kintana iray nivoaka avy tamin'i Jakoba, arak'ireo faminanian'i Daniela. Ary fantatr'izy ireo fa ho Mpamony io Mpanjaka io, Izy no ho Mpanjakan'ny Isirael. Ary nandeha roa taona izy ireo, hatrany Inde tany, nandalo ny Renirano Tigrisy, ary nitety an'ireo tany efitra sy nanerana an'ireo tendrombohitra, hatraiza hatraiza, ary tonga tao an-tanànan'i Jerosalema indray hariva teo amin'ny filentehan'ny masoandro teo, niantsoantso hoe, "Aiza Izy izay teraka ho Mpanjakan'ny Jiosy? Aiza Izy?"

¹⁸⁸ Ary tsy nisy olona nahafantatra na inona na inona mikasika an'izany. Zavatra hafahafa iray ny hoe teraka ny Mpanjakan'ny Jiosy nefá olona avy any amin'ny an-jatony maily lavitra no nahafantatra ny mikasika an'izany; ary tao amin'ilay tanàna izay Nahaterahany mihitsy, sy ilay toerana izay Nahaterahany, teo anivon'ny vahoaka izay Nahaterahany, nefá tsy nahafantatra na inona na inona mikasika an'izany izy ireo. Tsy azon'izy ireo tsara ireo Magy. Hoy izy ireo hoe, "Tsy misy izany Mpanjakan'ny Jiosy izany. Manana mpanjaka iray izahay eto ambony eto, Heroda."

¹⁸⁹ Tsy azo tsara Izy tamin'ny Fahaterahany rehefa teraka Izy. Ary efa ho reny i Maria talohan'ny nanambadiany an'i Josefa. Tsy azo tsara. Nihevitra izy ireo fa teraka tany ivelan'ny voadimpambadiana Izy, tsy fantatr'izy ireo fa ny Fanahy Masina no nampitoetra an'io zaza io tao anatin'y. Saingy tsy azo tsara izany. Hetsik'Andriamanitra iray izany ka tsy azon'ny olona tsara ilay izy.

¹⁹⁰ Mbola tsy mahazo tsara an'Izany foana izy ireo, ny hetsik'Andriamanitra iray dia mazàna tsy azo tsara.

¹⁹¹ Amin'ny alàlan'ireo olona ara-panahy mino fotsiny ihany, ireo olona izay mino ny Fanahy. Fa tsy azo tsara ilay izy, tsy azo tsara ireo Magy.

¹⁹² Tsy nahazo tsara an'izany i Heroda. Rehefa hoy Heroda hoe, "Eny, teneno amiko hoe aiza ilay zazakely, ary izaho dia handeha hanompo azy, ihany koa." Mpihatsaravelatsihy iray izy, nandainga izy. Ny natahorany... Tsy fantany ireo Soratra fa nisy Mesia iray natao ho tonga, Mpanjakan'ny Lanitra iray. Fa

Heroda dia nihevitra fa ho mpanjakan'ny tany iray ilay izy, ka te-hamono Azy izy mba hialana Aminy.

¹⁹³ Tsy mpanjakan'ny tany iray ilay izy, Izy no nilaza fa tsy ity tany ity no Fanjakany, "Raha ity no Fanjakako dia ho niady ho Ahy ireo Oloko, fa Ny Fanjakako dia avy any ambony." Tsy azon'i Heroda tsara izany, nihevitra izy fa mpanjakan'ny tany iray ilay izy.

¹⁹⁴ Tahaka an'izany no lazain'izy ireo amin'izao andro izao hoe, "Fiangonana inona no ikambananao raha Kristiana iray ianao? Anaram-piangonana inona?"

"Tsy misy!"

¹⁹⁵ Tsy azon'izy ireo izany. Hitanareo, tsy afaka hahazo an'izany izy ireo. Mihevitra izy ireo fa ny *anaram-piangonana* iray dia midika hoe "Kristiana." Mifamadika ilay izy, tena izany mihitsy. Saingy tsy azon'ny olona tsara ilay izy.

¹⁹⁶ Ankehitriny, hitantsika fa tsy azon'i Heroda tsara Izany, tsy afaka nahazo an'Izany izy.

¹⁹⁷ Tsy afaka nahazo an'izany i Nikodemosy, ilay Fahateraham-baovao, rehefa nanatona an'i Jesosy izy tamin'ny alina. Nanameloka azy ny olona iray. Izaho tsy manameloka azy. Lehilahy tsara iray izy, te-hahita zavatra izy. Sahirana izy nandrity ny andro, angamba tao amin'ny asam-pisoronany izy, na zavatra iray hafa, tsy maintsy tonga tamin'ny alina izy. Na ahoana na ahoana, tonga teo izy, nanao betsaka kokoa noho ny ataon'ny olona maro ankehitriny. Tsy ho avy izy ireo na andro na alina. Tonga izy tamin'ny farany; alohan'ny anamelohanareo azy, dia efa tonga ve ianareo? Tonga teo amin'i Jesosy izy tamin'ny farany, ka aoka isika tsy hanameloka azy raha tsy mbola tonga teo *isika*. Ary raha tonga eo ianareo, amin'izay fotoana izay dia tsy mihevitra aho fa hanameloka azy ianareo. Tsia, izy—tonga teo izy. Ary tonga tamin'ny alina izy, ary sahirana angamba izy. Na ahoana na ahoana, dia tonga izy. Sahirana angamba Jesosy tamin'ny fivavahana ho an'ny marary sy ny sisa, ny fotoana tokana izay azony nahazoana Azy ho an'ity fifampiresahana ity dia ho amin'ny andro alina. Fa tonga teo ihany izy tamin'ny farany, nijanona teo izy mandra-pahazoany fifampiresahana iray tamin'i Jesosy. Ary rehefa nilaza Jesosy... Izy—hoy izy hoe, "Raby, fantatray fa Lehilahy iray nirahina avy tamin'Andriamanitra Ianao, satria tsy misy olona afaka hanao an'ireo zavatra izay Ataonao raha tsy Andriamanitra no momba Azy."

¹⁹⁸ Hoy Jesosy hoe, "Raha tsy ateraka indray ny olona dia tsy afaka hiditra ao amin'ny Fanjakana izy, tsy hahita ny Fanjakana mihitsy akory aza."

¹⁹⁹ Ary hoy ilay raby lehibe, mpampianatra tao Isiraely, nanao hoe, "Izaho, lehilahy antitra iray ve, no hiditra ao anatin'ny kibon'ny reniko ka hateraka indray?" Hitanareo, tsy azony tsara

izay noresahan'i Jesosy, tsy azony fotsiny ilay izy. Satria Jesosy dia niresaka mikasika ny Fahaterahana ara-panahy iray, fa izy niezaka nampihatra an'izany tamin'ny fahaterahana araboajanahary iray. Noho izany dia tsy azony tsara Izzy, tsy azony ilay izy. Izzy fotsiny...tahaka ny atao'nny olona. Tahaka an'i Nikodemosy fotsiny, maro amintsika no tsy mahazo tsara an'ireo zavatr'Andriamanitra satria maka an'ilay izy isika ary mampihatra azy ho an'ny zavatra ara-boajanahary.

²⁰⁰ Ohatra, atao hoe, hoy ny dokotera iray hoe, “Oh, tsy mino ny fanasitranana avy amin’Andriamanitra aho. Tsy mino aho fa misy zavatra iray.”

²⁰¹ Efa nandre dokotera aho niteny tamin'ny vehivavy anankiray tao amin'ny birao iray indray mandeha, nilaza... Ary tsy nahafantatra izy...Te-hahafantatra izy hoe lasa inona ny fivontosana izay nananany. Hoy izy hoe, “Ranadahy Branham no nivavaka ho ahy ka nanasitrana ahy ny Tompo.”

²⁰² Hoy izy hoe, “Tsy mino an'izany aho.” Hoy izy hoe, “Izaho tsy afaka mihitsy—izaho tsy afaka hino zavatra iray tahaka an'izany mihitsy.” Hoy izy, “Teneno amiko hoe iza no nanala an'ilay izy.”

Hoy izy, “Tadiavo ilay holatra.”

Hoy izy, “Inona no napetrakao teo amboniny?”

²⁰³ Hoy izy, “Tsy misy na inona na inona, mihitsy.” Hoy izy, “Niantso ahy fotsiny izy tao amin'ilay favoriana dia niala ilay zavatra.”

²⁰⁴ Ary nipetraka tao amin'ilay efitra ilany mihitsy aho, marina izany, nipetraka tao amin'ilay efitra ilany mihitsy, nihaino. Tsy fantany hoe tao aho. Ary tsy fantany hoe tao aho, satria tsy nahafantatra ahy akory aza izy, hitanareo. Ary nipetraka tao aho. Ary nilaza izy...Nitondra olon-kafa tao amin'ny biraon'ny dokotera iray. Marina tokoa izany. Ary niandry fotsiny aho mba handre izay nolazainy. Nalaiko—nalaiko ilay marary ary nivoaka avy tao rehefa hitako fa, fa tsy nino izy.

²⁰⁵ Noho izany dia hoy izy hoe, “Tsy mino teny anankiray amin'izany aho.” Hoy izy, “Tsy mbola nahita zavatra izay afaka manao zavatra tahaka an'izany mihitsy aho. Tsy mino an'izany fotsiny aho.” Hoy izy, “Tsy maintsy hitako aloha ilay izy alohan'ny hinoako azy.”

Hoy izy hoe, “Eny, ahoana ny amin'ny—ny fivontosako?”

Hoy izy hoe, “Tsy maintsy mahita an'ilay izy miala aho aloha vao hino an'izany.”

²⁰⁶ Hitanareo, tsy ny mahita no mino. “Ny finoana dia fanehoana an'ireo zavatra izay tsy hitanareo.” Hitanareo, mino an'ilay izy aloha ianareo avy eo dia mitranga izany. Noho izany ilay—ilay lehilahy dia tsi-mpino, koa noho izany dia zavamiafina tanteraka aminy ilay izy. Tsy fantany izay resahany

satria izy—tsy afaka nahazo an'izany izy, ankamantatra iray izany aminy.

²⁰⁷ Hoy ny olona amin'izao andro izao hoe, “Oh, tsy mino an'izany fanasitrana avy amin'Andriamanitra izany aho. Tsy mino an'izany Fanahy Masina izany aho. Tsy mino an'izany fitenenana amin'ny fiteny tsy fantatra izany aho. Tsy mino an'izany fikiakiahana izany aho. Tsy mino an'izany karazan-javatra rehetra izany aho. Tsy mino an'izany aho.” Nahoana? Zava-miafina iray izany! Tsy azonareo tsara fotsiny ilay izy. Izany no Andriamanitra, ato amin'ny Baiboly ato izany. Mitondra an'ireo vokatra iray ihany izay resahan'ny Baiboly fa entiny izany, noho izany dia tsy maintsy ho Andriamanitra izany. Tsy azonareo tsara fotsiny Izany, izay ihany. Tsy azo tsara Andriamanitra.

²⁰⁸ Tsy afaka nahazo an'ireo Fahagagany ireo Mpianany. Tamin'io hariva io rehefa niditra tao anatin'ilay sambo Izy, dia hoy izy hoe, “Karazan’olona inona ity fa na dia ireo rivotra sy ireo onja aza dia mankatò Azy?” Tsy azon’izy ireo tsara fa tsy olona iray Izy, Andriamanitra Izy.

²⁰⁹ Izany ilay olana amin'ny olona amin'izao andro izao, te-hanao Azy ho zazalahy maskôty kely iray izy ireo, na zavatra iray hafa izay mitondra an'ilay fikapoham-baolina. Te-hanao Azy ho lehilahy kely iray manodidina an'ilay toby fotsiny izy ireo.

²¹⁰ Tsy lehilahy kely iray manodidina an'ilay toby Izy, Izy no Jehovah, Andriamanitra! Tsy azon’izy ireo tsara izany. Nanantena Azy ho isan’izy ireo fotsiny izy ireo. Tsy isan’izy ireo Izy, Izy no Andriamanitra teo anivon’izy ireo! Mihoatra noho ny olona iray Izy. Araka ny nolazaiko matetika hoe, olona iray Izy rehefa noana Izy, fa Andriamanitra Izy rehefa namahana dimy arivo tamin'ny bisky iray Izy, bisky roa sy singan-trondro vitsivitsy. Olona iray Izy rehefa reraka tao aorian'ny sambo Izy, fa Andriamanitra Izy rehefa nampitsahatra an'ireo rivotra sy onja Izy ka nanao azy ireo hankatò Azy. “Karazan’olona inona ity?” Tsy karazan’olona iray Izy, Andriamanitra voaseho tao anatin’ny olona iray Izy. Tsy azon’izy ireo tsara Izy. Nihevitra Azy ho olona iray izy ireo, zanakalahin'i Maria, mpandrafitra iray, saingy Izy no Andriamanitra voaseho tao amin'ny nofo. Amena!

²¹¹ Tsy nahazo tsara Azy ireo miaramila Romana, rehefa nitondra Azy tao amin'ny fitsarana izy ireo, ka nametraka vorodamba iray teo amin'ny Masony, ary nikapoka Azy teo antampon'ny loha ka nanao hoe, “Ankehitriny, raha mpaminany iray Ianao, izy rehetra ireo dia milaza fa mpaminany Ianao, avia teneno aminay hoe iza no nikapoka Anao teo antampon'ny loha.”

²¹² Hitanareo, tsy azon’izy ireo tsara fa Jesosy dia nilaza hoe, “Manao fotsiny ihany an'izay asehon’ny Ray Ahy hatao Aho.

Manao an'izay asehon'ny Ray Ahy Aho, ary avy eo dia manao an'izay Teneniny Amiko mba hatao Aho." Tsy azon'izy ireo tsara izany, tsy azon'izy ireo tsara ny Asam-panompoany.

²¹³ Tsy nahazo Azy tsara ireo Jiosy. Ahoana fa tonga mba ho Sakaiza sy Mpamponjin'izy ireo Izy, nefà izy ireo te-hanao Azy ho zavatra iray izay ratsy. Tsy azon'izy ireo tsara ny Asam-panompoany. Hoy Izy hoe, "Hitsangana ao amin'ny Fitsarana ny mpanjakavavin'ny atsimo miaraka amin'ity taranaka ity ka hanameloka azy, satria tonga avy tany am-paran'ny tany izy mba hihaino ny fahendren'i Solomona. Fa misy lehibe noho i Solomona eto." Saingy tsy azon'izy ireo tsara fa lehibe noho i Solomona Izy. Nihevitra izy ireo fa olona iray fotsiny Izy.

²¹⁴ Maro tamin'izy ireo no nihevitra fa teraka tany ivelan'ny voadim-panambadiana masina Izy, nivoaka avy tamin'ny fianakaviana ratsy iray izay nanana an'ireo faniriana ireo sy ny sisa, ary zazasary iray. Izay vao avy nananantsika an'ilay fanontaniana, tsy afaka akory aza izy ireo... Nahoana, hoy izy ireo hoe, "Nahoana, fantatray fa teraka tany ivelan'ny voadim-panambadiana masina Ianao, manana devoly iray Ianao eo Aminao. Nahoana, Ianao ve no miezaka hampianatra anay? Raby izahay!"

Hoy Izy hoe, "Ianareo dia avy amin'ny rainareo, ny devoly."

²¹⁵ Hitanareo, tsy nahazo tsara izy ireo. Rehefa niverina ireo miaramila Romana indray andro, nihaino Azy, nanao hoe, "Tsy nisy olona niteny tahaka an'izany mihitsy. Tsy nandre olona iray niteny tahaka an'izany mihitsy isika."

²¹⁶ Tsy ilay olona no niteny, Andriamanitra izany! Eny, tompoko. Tsy niteny tahaka an'izany ny olona. Ny olona dia miteny sy miresaka an'ireo Soratra, Jesosy manao ny Soratra ho *velona*. Tsy miaina tahaka an'izao ny olona: "Ny Soratra dia milaza an'ity eto, ity ilay izy!" Ny olona dia afaka manao hoe "ny Soratra no milaza an'izany," saingy saiky izay ihany no azony atao. Fa Jesosy dia afaka manao hoe, "Izaho sy Ny Raiko dia iray, Ny Raiko mitoetra ato Amiko. Izay nahita Ahy dia nahita ny Ray." Tsy misy olon-kafa afaka nilaza an'izany! Amena. Haleloia! Marina izany. "Izay nahita Ahy dia nahita ny Ray." Tsy misy olon-kafa afaka nilaza an'izany!

²¹⁷ Tsy mahagaga raha hoy ireo miaramila ireo hoe, "Tsy nisy olona niteny tahaka an'izany mihitsy. Tsy miteny tahaka ny mpanora-dalàna na mpitoky teny iray Izy, miteny miaraka amin'ny fahefana Izy! Ary na dia ireo devoly aza dia mankatò Azy, ary ireo rivotra sy ireo onja dia nankatò Azy." Nihevitra izy ireo fa olona iray Izy, saingy Andriamanitra Izy.

²¹⁸ Hitanareo, tsy azo tsara Izy. Hoy izy ireo, "Nahoana, Ianao dia—Ianao dia teraka zazasary iray. Teraka tany ivelan'ny voadim-panambadiana masina Ianao, nefà Ianao ve no miezaka hampianatra anay? Nahoana, fantatray fa adala

Ianao ary manana devoly. Samaritana iray Ianao, efa tany ary nahazo an'ireo devoly ireo teo Aminao. Ianao ve no miezaka hampianatra anay, izahay raby masina?"

Hoy Izzy hoe, "Ianareo dia avy amin'ny rainareo, ny devoly."

²¹⁹ Eny, tsy azon'izy ireo tsara Izzy, tsy fantatr'izy ireo hoe Iza Izzy. Izany ilay olana amin'ny olona amin'izao andro izao, miezaka manao Azy ho zavatra iray izay tsy maha-izy Azy ny olona. Tsy olona iray fotsiny Izzy, Izzy no Andriamanitra tao anatin'ny Lehilahy iray! Tsy olona fahatelo, Izzy no ilay Olona tokana. Eny, tomopoko. Eny, azo antoka, tsy azon'izy ireo tsara Izzy.

²²⁰ Ny Fariseo, ilay Fariseo izay nanasa Azy tany tamin'io fotoana ho an'ny sakafo hariva io, fanasana goavana iray, tsy nahazo Azy tsara izy. Nihevitra izy fa hahazo Azy fotsiny tany. Efa nitory teo amin'izany hafatra izany aho tetra vao tsy ela akory izay tamin'ny sakafo maraina iray, mino aho, tany Chicago, tamin'io sakafo maraina io. Hoy io Fariseo io hoe, "Ankehitriny, jereo Izzy mipetraka ery aoriana ery, mipetraka ery aoriana ery, tongotra tsy misasa sy ny sisa. Tonga io vehivavy kely io ka nanasa Azy tamin'ny ranomaso, ary namafa tamin'ny volon-dohany." Hoy izy hoe, "Raha mpaminany iray Izzy dia ho nahafantatra Izzy hoe karazam-behivavy inona io manasa ny Tongony io. Izany no maneheo fa tsy mpaminany Izzy!"

²²¹ Nitsangana Jesosy, ka nanao hoe, "Ry Simona, manana zavatra ho lazaina aminao Aho!" Amena, tsy nahazo tsara fotsiny izy, izay ihany. Hoy Izzy hoe, "Izaho... Nanasa Ahy ho tonga ianao, ary Navelako ny Fandaharam-potoako feno mba ho tonga amin'ny fanasanao. Ary rehefa... Tsy nitsena Ahy teo am-baravarana mihitsy ianao. Tsy nanasa ny Tongotro mihitsy ianao. Tsy nanosotra ny Lohako mihitsy ianao. Tsy nanoroka Ahy tongasoa mihitsy ianao. Namela Ahy fotsiny hiditra ianao, naloto sy maimbo ary feno hatsembohana, ka nametraka Ahy eto amin'ny zorony iray eto mba haneso Ahy. Fa ity vehivavy ity, ity vehivavy ity, dia nanoroka tsy ankitsahatra ny Tongotro izy, ary nanasa azy ireo tamin'ny ranomason'ny fibebahana," (Rano tsara tarehy toy ny inona!) "ka namafa azy ireo tamin'ny volondohany. Manana zavatra iray manohitra anao Aho, ry Simona. Lazaike aminao marina tokoa, navela taminy ireo fahotany marobe." Simona tsy nahazo tsara; izy nahazo. Simona nanao hoe, "Olona iray fotsiny Izzy"; izy nanao hoe, "Andriamanitra Izzy, ny Mpamonjiko!" Tsy azo tsara Izzy. Mbola tsy azo tsara foana Izzy.

²²² Ireo mpianatra teo Kalvary, tsy nahazo tsara izy ireo, rehefa nandà Azy izy rehetra ka niala. Ahoana no ahafahan'izy ireo hahita Lehilahy iray, Lehilahy iray izay efa fantatr'izy ireo fa nanao fahagagana sy nanangana ny maty, kanefa manolotra ny Tenany ho an'ny fahafatesana, ary nandeha nanerana teo, nokapohina, ary nitomany, ny rora nitsontsorika

teo amin'ny Tavany, ary ny rà no nifangaro tamin'izany teo amin'izay nisintonan'izy ireo volombava eran'ny tangan'izy ireo, nanongotra an'izany avy teo amin'ny Tavany; ary nikiky ny Lamosiny hany ka niharihary ireo Taolany, sy nandaka Azy, ary nikapoka Azy nanerana; avy eo dia nanompa, ireo miaramila mamo, nikapoka Azy teo an-dàlambe mihitsy. Nefa nitsangana ka namela azy ireo hanao an'izany ve? Tsy nahazo tsara izy ireo, noho izany dia nihataka lavitra izy ireo. Marina izany.

²²³ Tsy nahazo Azy tsara ilay devoly. Hoy ilay devoly hoe, “Azo antoka tokoa fa tsy mety ho Zanak’Andriamanitra iray ny hitsangana eo ka hattao ratsy fitondra tahaka an’izao, ary manompa izy ireo, ary ireo mpianatro eto dia mitondra Azy amin’ny fomba rehetra, nefo Izy dia mandray an’izany. Tsy Izy no ilay Zanak’Andriamanitra.”

²²⁴ Ireo Fariseo koa, ireo mpisorona, dia tsy nahazo Azy tsara, nanao hoe, “Raha Ianao no Žanak’Andriamanitra, dia ampidino miala eo ny Tenanao.”

²²⁵ Ilay mpangalatra teo Ankaviany dia tsy nahazo Azy tsara, nanao hoe, “Raha Ianao no Zanak’Andriamanitra, dia esory hiala amin’ity hazo fijaliana ity izahay, vonjeo ny Tenanao ary izahay koa.”

²²⁶ Fa ilay mpangalatra teo amin’ny ankavanana no nahazo Azy, hoy izy hoe, “Isika dia, nanao ratsy isika ary mendrika an’izay azontsika, fa ity Lehilahy ity dia tsy nanao na inona na inona.” “Tompo, tsarovy aho rehefa tonga ao amin’Ny Fanjakanao Ianao!”

²²⁷ Diniho ilay Feo izay namaly, “Androany dia hiaraka Amiko ao Paradisa ianao.” Azony fa io ilay Andriamanitra izay maty ho an’ny fahotantsika. Ny fomba tokana Ahafahany ho faty, dia ny ho vonoina ho faty ao amin’ny nofo. Tsy afaka ny ho vonoina ho faty ao amin’ny Fanahy Izy, satria Izy no ilay Fanahy Mandrakizay. Ary tsy maintsy ho tao amin’ny nofo Izy mba ho vonoina ho faty, noho izany dia tsy nahazo tsara fotsiny izy ireo. Izy no nahazo an’izany.

²²⁸ Indray andro, teo amin’ny folo andro taorian’izany, na teo amin’ny efapolo andro taorian’izany, dimampolo andro ilay izy, dia niakatra tao amin’ny efitra ambony ireo mpianatra, ary nijanona tao ambony tao nandrity ny folo andro sy alina mandra-pahatongan’ny andro faha-dimampolo. Avy eo, tampoka teo, dia tonga ny feo iray avy tany An-danitra tahaka ny rivotra mahery nifofofo. Satria Jesosy dia efa niteny tamin’izy ireo hoe, “Indro, mandefa ny teny fikasan’Ny Raiko aminareo Aho, saingy miandrasa ao an-tanànan’i Jerosalema mandra-panafiana anareo ny Hery avy any amin’ny Avo.” Fantatr’izy ireo fa ho tonga Izany. Fantatr’izy ireo fa izany dia, tsy maintsy hitranga. “Miakara any ary miandrasa mandra-Pandefako an’Izany.” Niandry tao ambony tao izy ireo. Niaiky

izy ireo, namoaka ny zavatra rehetra tao an-tsainy sy ny fony. Niandry izy ireo, iray saina ny rehetra, iray toerana, niandry an'ilay Fampanantenana; nandeha nandroso sy niverina, ireo lehilahy sy vehivavy, tao ambony nandehandeha niaraka tao amin'io efitra ambony io, ny varavarana rehetra voaisy tsivalankazo mba tsy ahafahan'ireo Jiosy hiditra ka—ka handratra azy ireo.

²²⁹ Tampoka teo, nandehandeha tao ambony tao izy ireo, ary indro tonga ny feo iray avy tany An-danitra tahaka ny rivotra mahery nifofofofo, nihodinkodina nanerana teo, ary nanomboka nipetraka teo ambonin'izy ireo ny lela Afo. Nisokatra tampoka ireo varavarana, lasa nisokatra ireo varavarankely, lasa nandeha teny an-dàlambe izy ireo.

²³⁰ Ary tsy azo tsara izy ireo, hany ka hoy izy ireo hoe, "Tsy feno divay vaovao ve ireo lehilahy ireo? Mamo ireo olona ireo satria mandre azy ireo miboredidredika zavatra isika ka tsy fantatsika izay resahan'izy ireo." Tampoka teo, dia hoy izy ireo hoe, "Ahoana no andrenesantsika ny lehilahy tsirairay amin'ny fitenintsika manokana, tsy Galiliana ve izy rehetra ireo?" Tsy azon'izy ireo tsara fa izany ilay teny fikasan'ny Ray.

²³¹ Tamin'izay fotoana izay dia nanana mpaminany iray Andriamanitra izay afaka nitsangana sy niteny, hoy i Petera hoe, "Ianareo lehilahy eto Jerosalema sy ianareo izay monina any Jodia, aza tsy mahazo tsara an'izao. Izao no nampilazana an'i Joela mpaminany hoe, Ary izao no hiseho amin'ny andro farany," hoy Andriamanitra, "Izaho handatsaka Ny Fanahiko amin'ny nofo rehetra. Ary eo amin'ireo Mpanompolahiko sy mpanompovaviko no Handatsahako Ny Fanahiko, ka haminany izy ireo. Ary haneho famantaranana eny amin'ny lanitra ambony sy eto amin'ny tany ambany Aho, sy afo, sy entona, ary andrin-tsetroka. Izao no hiseho, alohan'ny hahatongavan'ilay andro lehibe sy mahatahotra an'ny Tompo, hoe na iza na iza hiantso ny Anaran'ny Tompo dia ho voavonjy."

²³² Izany no asan'Andriamanitra! Izany no Fanahy Masina, saingy tsy azon'izy ireo tsara Izany. Tsy azo tsara Izy.

²³³ Efa tsy azo tsara foana Izy. Tsy nahazo Azy tsara ny Isiraely. Tsy nahazo Azy tsara ireo olona tamin'ny andron'i Noa. Tsy nahazo Azy tsara ireo olona tamin'ny andron'i Daniela. Tsy nahazo Azy tsara ireo olona tamin'ny andron'i Jaona. Ny olona tamin'ny—tamin'ny andron'ny mpaminany dia tsy nahazo Azy tsara. Tsy nahazo Azy tsara ny olona tao amin'ny taona Pentekotista.

²³⁴ Tsy mahazo Azy tsara ny olona ao amin'izao taona izao, mbola mitovy foana ilay izy. Tsy azon'izy ireo Izany, satria tsy azo tsara Izy. Izany dia, miezaka mampitaha ny ara-boajanahary amin'ny ara-panahy izy ireo.

²³⁵ Rehefa ireo olona tao ireo, taorian’ny andron’ny Pentekosta mihitsy, rehefa feno ny Fanahy Masina izy ireo, nanana an’io favoriana goavana be tany io, dia niantso lehilahy iray izy ireo tany, kilemaina hatrany an-kibon-dreniny, nandeha teny an-dàlambe ny roa tamin’izy ireo ka nampikorintsana boaty iray ity mpangataka ity ary nangata-bola. Dia hoy izy hoe, “Tsy manana volafotsy sy volamena aho, fa izay ananako dia homeko anao izany.” Hoy izy hoe, “Amin’ny Anaran’i Jesosy Kristy avy any Nazareta, mitsangàna ka mandehana!” Dia noraisiny tamin’ny tànany ilay lehilahy ary nanangana azy, ary teo no ho eo dia nahazo hery ny tongony sy ny taolan-kitroney. Nanomboka nandeha izy, sy niantsambotra, sy nihazakazaka, sy nitsambikina, ary nidera an’Andriamanitra, niditra tao antempoly. Ary nanomboka tonga niaraka ny olona rehetra, ka niantsoantso sy nikorontana. Nahoana, tsy nahazatra ilay izy.

²³⁶ Dia napetrak’izy ireo tao am-ponja izy ireo, ary norahonany hoe izy ireo “Dia tsy tokony hitory amin’ny Anaran’i Jesosy intsony.”

²³⁷ Dia hoy i Petera hoe, “Iza no tokony ho henoinay, Andriamanitra sa olona?”

²³⁸ Dia navotsony izy ireo, nihevitra fa hoe satria nikaravasy kely azy ireo izy ireo sy nandrahona azy ireo (hoe hanantona azy ireo izy ireo amin’ny manaraka, na handoro azy ireo, na hametraka azy ireo ao amin’ny hazo fijaliana, na ny sisa), dia ho hajanon’izy ireo izany. Saingy ny zavatra manaraka hitan’izy ireo, dia teny an-dàlambe izy ireo nanao an’ilay izy indray. Nahoana? Tsy nahazo tsara izy ireo. Tsy ireo olona ireo ilay izy; ilay izy dia Andriamanitra tao amin’ireo olona ireo, no nanao an’ireo zavatra ireo.

²³⁹ Rehefa nitondra an’i Stefana kely teo amin’ny Fitsaran’ny Synedriona izy ireo, tamin’io maraina io, nanao hoe, “Ho entintsika eo anatrehan’io fitsarana io izy. Rehefa niangona teo ireo raby rehetra ireo sy ireo Jiosy sy ireo mpisoronabe sy ireo ray masina, ary izy rehetra ireo, ireo dokoteran’ny momba an’Andriamanitra, dia hampivarahontsana azy izany.” Noho izany dia nentin’izy ireo tao anatin’ireo rojo vy ireo izy, ary nametraka azy teo, lehilahy kely iray tahaka ny zanak’ondry eo anivon’ny andiana amboadiao romotra. Hoy izy ireo hoe, “Diniho izy hihemotra ankehitriny, hanao hoe, ‘Hosintoniko izany rehetra izany, ry rahalahy, aza manelingelina ahy ianareo rehetra.’”

²⁴⁰ Hoy izy hoe, “Ianareo mafy hatoka sy tsy voafora fo sy sofina! Nahoana ianareo no manohitra ny Fanahy Masina? Tahaka ny nataon’ny razanareo, no ataonareo koa!” Amena!

²⁴¹ Hitam’izy ireo fa tsy izy izany! Satria naka baingan-tany izy ireo, ary nanao ny tànan’izy ireo teo amin’ny sofiny, sy nanomboka nihidy vazana taminy, ka nitoraka azy ho faty.

Ary rehefa nampiandranda ny lohany nankany an-danitra izy, nikapoka azy ireo fikapoham-baolina avy teo amin'ny ilan'ny lohany nankany amin'ilay iray hafa, dia hoy izy hoe, "Mahita ny lanitra misokatra aho, ary Jesosy mitsangana eo antànana ankavanana'ndriamanitra." Amena! Dia natory teo antsandrin'ny Tompo Jesosy izy. Rehefa maty izy, dia hoy izy hoe, "Ray, aza atao ho helony anie izao fahotana izao."

²⁴² Hitanareo, tsy azon'izy ireo tsara izay nataony. Paoly, nitsangana teo njery an'izany, taty aoriana dia tonga tao antsainy izany, ka hoy izy hoe, "Izaho no kely indrindra eo anivon'izy rehetra ireo, satria njoro vavolombelona ny amin'ny fahafatesan'i Stefana aho, ny Masinao." Amena. Izay ilay izy.

²⁴³ Hitanareo, tsy mahazo tsara an'izany hafanam-po izany ny olona. Tsy mahazo tsara ny olona amin'izao andro izao. Tsy mahazo tsara ny herin'ny Fanahy Masina izy ireo. Izy ireo dia miantsso an'izany hoe andiana holyrollers iray. Izy ireo dia miantsso an'izany ho andian'olona izay tsy ao amin'ny sainy tsara. Tsy mahazo tsara izy ireo, hoe ianareo dia tsy maintsya mahavery ny...izay antsoinareo hoe "ny sainareo tsara," mba hahafantatra an'i Kristy, satria manana ny sain'i Kristy ianareo amin'izay fotoana izay. Tsy afaka manana ny sain'izao tontolo izao sy ny sain'i Kristy amin'ny fotoana iray ihany ianareo, ny anankiray dia ara-nofo ary ilay iray hafa dia ara-panahy. "Izay mandeha araka ny nofo dia ara-nofo, izay mandeha araka ny Fanahy dia ara-panahy." Amena. Noho izany dia hahavery ny tenako aho mba hahita azy, Tompo, ao Aminao. Eny, tompokeo. Noho izany dia tsy azo tsara Andriamanitra. Tsy ianareo no tsy azo tsara, ny Fanahy Masina no manao anareo hanao an'izany mba tsy hahazoan'izy ireo tsara. Amena. Tsy miresaka manohitra anareo izy ireo, miresaka manohitra Azy izy ireo. Tsy azo tsara ny olona.

²⁴⁴ Mandeha eo izy ireo, avelao izy ireo handeha, fa hiverina avy hatrany eny an-dàlambe izy ireo ka hanomboka indray. Mitovy ihany amin'izao andro izao. Tsy azon'izy ireo tsara ny olona. Tsy fantatr'izy ireo hoe inona Izany.

²⁴⁵ Amin'izao andro izao dia tsy azo tsara aho ao amin'ny asampanompoako, izay Nanirahany ahy ho any amin'ny olona. Tsy azon'izy ireo tsara izany. Ny tsirairay avy amin'izy ireo dia nanao hoe, "Mino an-dRahalahy Branham izahay..." Niresaka tamin'ny mpitoky teny iray aho vao haingana, hoy izy, "Rahalahy Branham, fantatray rehetra fa nirahina ho an'ilay Fiangonana ianao, saingy, ilay hevitra dia, ahoana no ahatongavanao hanao batisa amin'ny Anaran'i Jesosy?" Tsy azon'izy ireo tsara ny Soratra. Tsy azon'izy ireo tsara Izany. Ho an'izany no Nanirahany ahy, izany no tanjon'ny maha-eto ahy. "Nahoana ianao no mampianatra ny taranaky ny menarana, sy ireo zavatra tahaka an'izany izay mifanohitra amin'izay ampianarinay?" Eny, rahalahy, izany no antony maha-eto ahy. Tsy azon'izy ireo

tsara fotsiny ilay izy. Amena. Fa Andriamanitra no manambara ahy amin'ny alàlan'Ny Teniny sy ireo famantaran'ny Fanahy Masina ao amin'ny...?...Tsy mampaninona na impiry izy ireo...-maha-...tsy mahazo tsara an'Izany, Andriamanitra no manamarina ny Teny! Amena.

²⁴⁶ Efa tsy azo tsara foana Andriamanitra. Ary ireo izay miaina miaraka amin'Andriamanitra dia tsy azo tsara miaraka amin'Andriamanitra, satria izany no Andriamanitra miasa ao anatin'izy ireo. Amena. Mino an'Izany ve ianareo?

Tiako Izy, tiako Izy
Satria nitia ahy mialoha Izy.

Tianareo ve Izy? Atsangano ny tènanareo ka manaova fiderana.

...-vidy ny famonjeko
Teo amin'ny hazon'i Kalvary.

²⁴⁷ Faly ve ianareo fa tsy azo tsara? Nihira hira kely iray isika fahiny, nanao hoe, "Ankehitriny, dia voaisy marika aho, voaisy marika, voaisy marika, voaisy mariky ny Fanahin'Andriamanitra." Marina izany. Ireo olona izay nitia ahy fahiny, dia manatodika ny lamosiny amiko ankehitriny satria voaisy marika aho, voaisy mariky ny Fanahy. Amena. Veriko ny amin'ireo zavatr'izao tontolo izao ny saiko, mba handraisana ny sain'i Kristy; noho izany, raha manana ny sain'i Kristy aho, dia mikatsaka an'ireo zavatra izay any ambony ny saiko. Tiako ny olona iray haneho amiko batisa marina hafa ankoatry ny Anaran'i Jesosy Kristy. Tiako ny olona iray haneho amiko Soratra izay milaza fa tsy nanana taranaka ny menarana. Tiako ny olona iray haneho amiko Soratra izay milaza fa misy Andriamanitra telo.

²⁴⁸ Avy eo dia hoy izy ireo hoe, "Eny, nahoana izany?"

²⁴⁹ Andriamanitra no nandefa Ny Hafany ary manambara Azy. Manamarina ny Teny amin'ireo famantaranra izay manaraka Izy. Izany no nolazain'ny Baiboly. Tsy afaka mandà an'izany izy ireo, zava-misy iray izany. Fa inona no nataon'izy ireo? Tsy azon'izy ireo tsara Izany satria tsy tonga tamin'ny anaran'ny Assemblées de Dieu aho, ny an'ny Tokana, na ny an'ny Roa, na ny an'ny Telo, na ny Fianganan'Andriamanitra, na ny Batista, Metodista, Presbyterana, Loterana. Tsy tonga amin'ny iray amin'ireo anarana ireo aho, tonga amin'ny Anaran'i Jesosy Kristy aho. Ary Andriamanitra, nohon'ny Famindrampony, no manamarina ny Hafatra amin'ny alàlan'ny herin'ny fitsanganan'i Jesosy Kristy. Koa Izany dia mbola ilay Fanahin'Andriamanitra foana izay tsy azon'ny olona tsara. Marina izany, tsy azo tsara.

²⁵⁰ Azo antoka, tsy azo tsara ianareo, izay rehetra miaina masina ao amin'i Kristy Jesosy dia tsy azo tsara. Hatrany amin'i Noa ilay marina, ka hatrany amin'ny olo-masin'ny andro

moderina amin'izao andro izao, dia tsy azo tsara. Efa izany foana, tsy azon'ny olona tsara Izany.

²⁵¹ Tsy azon'ny Isirael tsara izany. Tsy mahazo izy ireo; tsy afaka fotsiny izy ireo satria ara-nofo ao amin'ny fanahy, ary tsy... Izany dia tsy hikambana amin'ilay ara-panahy, satria tsy hifangaro Izany.

²⁵² Fa faly aho fa miaina ao amin'ny Fanjakana iray izay tsy nataon'ny tangan'olona isika. Faly aho fa handeha ao amin'ny Fanjakana iray izay tsy misy idiran'ny olona isika. Faly aho fa ny Fanjakantsika dia any ambony. Ary raha any ambony ny Fanjakantsika, dia nateraka avy any ambony isika, noho izany dia mikatsaka an'ireo zavatra izay any ambony isika, izay misy an'i Kristy mipetraka eo an-tanana ankavanan'Andriamanitra, oh, izay misy Azy tsy menatra antsika. Ny fanambarantsika ve... Tsy menatra Azy isika eto amin'ity tany ity, satria mpivahiny sy vahiny isika. Tsy avy amin'ity tany ity isika, nateraky ny Fanahin'Andriamanitra isika. Miara-mipetraka ao amin'ireo toeran-Danitra ao amin'i Kristy Jesosy isika, voasasa tao amin'Ny Ràny, nateraky Ny Fanahiny, feno ny Fahasoavany.

²⁵³ Izay ilay izy, tsy azo tsara. Fa, inona no mampanahy antsika, tiansika Izy. Tsy tia Azy ve ianareo? Eny àry, Teddy, omeo anay ilay naoty eo amin'ny Tiako Izy, ary ndao isika hihira an'izany amin'ny tampon'ny feontsika.

Tiako Izy, tiako Izy
Satria nitia ahy mialoha Izy
Ka nividy ny famonjeko
Teo amin'ny hazon'i Kalvary.

²⁵⁴ Tsy mahafinaritra ve Izy? Tsy tianareo ve Izy? Tsy faly ve ianareo fa hafa kely ianareo? Asam-pisoronan'ny mpanjaka, vahoaka voafidy, vahoaka hafa kely, manolotra fanatitra arapanahy, ireo vokatry ny molotrareo, manome dera ho Azy.

²⁵⁵ Hihira aminareo hira vaovao iray aho, mahatsapa te-hihira aho.

Mahita olona maro izay tsy mety mahazo aho
Nahoana aho no tena sambatra sy afaka;
Nofenoina ny Fanahy aho, tsy misy fisalasalana
iray,
Ary izany no manjo ahy.

Oh, izany no manjo ahy,
Oh, izany no manjo ahy;
Nofenoina ny Fanahy aho, tsy misy fisalasalana
iray,
Ary izany no manjo ahy.

²⁵⁶ Tianareo ve izany? Ndao isika rehetra àry hihira an'izany.

Mahita olona maro izay tsy mety mahazo isika
 Nahoana isika no tena sambatra sy afaka;
 Nofenoina ny Fanahy isika, tsy misy fisalasalana
 iray,
 Ary izany no manjo ahy.

Oh, izany no manjo ahy, (Deraina Andriamanitra!)
 Oh, izany no manjo ahy;
 Nofenoina ny Fanahy aho, tsy misy fisalasalana
 iray,
 Ary izany no manjo ahy.

Oh, rehefa lassa sambatra aho, dia mihira sy
 mihiakiaka aho,
 Ny sasany tsy mahazo an'izany, hitako;
 Fa niampita an'i Jordana ho any amin'ny tanin'i
 Kanana tsara tarehy aho,
 Ary izany no manjo ahy.

Oh, izany no manjo ahy, (Deraina Andriamanitra!)
 Oh, izany no manjo ahy;
 Niampita an'i Jordana ho any amin'ny tanin'i
 Kanana tsara tarehy aho,
 Ary izany no manjo ahy.

²⁵⁷ Oh, tiako izany. Ary ianareo? Niampita an'i Jordana ho any amin'ny tanin'i Kanana tsara tarehy, manao veloma an'izao tontolo izao aho, nasandratra any ambonin'ireo zavatr'izao tontolo izao, ankehitriny dia miaina ao amin'io farity ny Lanitra io aho. Azo antoka fa mihetsika hafahafa aho amin'ireo papangobe eo ambany eo, eny, azo antoka, manidina ambonin'izany aho. Marina izany. Inona no mampanahy antsika? Miaina ao amin'ny tanin'i Kanana isika. Amena! Eny, tompoko. Mihinana an'ireo Voaloboka vaovao, manana fotoana iray mahafinaritra fotsiny; feno voninahitra, feno hery, feno ny Fanahy Masina. Eny, tompoko.

²⁵⁸ Milaza ny amin'i Stefana hoe, "Izay lehilahy iray, feno." Feno inona? Feno inona? Feno ny Fanahy Masina izy, feno hery izy, feno fahendrena izy, feno faherezana izy. Inona daholo no nanao an'izany? Feno ny Fanahy Masina izy! Ao no mitoetra ireo zavatra rehetra ireo. Izany no fianganon'Andriamanitra velona. Tsy sambatra ve ianareo noho izany, ry Kristiana? Mihetsaha sambatra. Raha tsy azo tsara ianareo, "Izay rehetra miaina masina ao amin'i Kristy Jesosy dia tsy ho azo tsara." Efa izany foana izy ireo, manerana ny Baiboly.

²⁵⁹ Ankehitriny, inona no ezahako lazaina? Ho anareo olona izay miteny amin'ny fiteny tsy fantatra, ho anareo izay mihiakiaka, mandihy ao amin'ny Fanahy, hoy ny olona hoe, "Oh, fahadalana izany," tsarovy fotsiny fa niverina mihitsy aho ka naneho taminareo. Nanerana ny Soratra mihitsy, tsy azo tsara foana izy ireo. Tsarovy, ao anatin'ny Soratra ianareo, ary

manao izay marina. Mijanòna tsara amin'izany, momba anareo Andriamanitra. Mijanòna tsara fotsiny ao amin'ny Soratra, dia Andriamanitra no hikarakara ny sisa amin'izany. Amena.

²⁶⁰ Tiako Izy. Ndao isika hihira ny hirako tsara, fanaovana batisa fahiny, ilay anankiray izay nohiraintsika tamin'ny fotoana voalohany izay hany nisehoan'ilay Anjelin'ny Tompo teo anatrehan'ny olona, tao amin'ny fanatrehany. Efa nahita Azy aho tany aloha, ny tenako, saingy ny fotoana voalohany hany Nidinany. Ary rehefa nidina Izy, Izy—hoy Izy hoe, "Tahaka ny nanirahana an'i Jaona hialoha lèlana ny fihavian'i Kristy voalohany, dia ny Hafatralo no hialoha lèlana ny Fihavian'i Kristy Faharoa." Olona an-jatony sy an-jatony sy an-jatony no nitsangana teo amin'ireo morona tany rehefa nidina Izy tamin'ny Jona, 1933, teo amin'ilay renirano. Ary nitsangana teo amin'ireo morona isika, nihira.

Teo amin'ireo morona nisy rivo-maherin'i Jordana,

No niantorahan'ny maso feno faniriana iray,
Nankany amin'ny tany tsara tarehy sy sambatra
an'i Kanana,

Izay itoeran'ireo fananako.

An-dàlana ho any amin'ilay tany
nampanantenaina aho,
An-dàlana ho any amin'ilay tany
nampanantenaina aho;

Oh, iza no ho avy ka handeha hiaraka amiko?

An-dàlana ho any amin'ilay tany
nampanantenaina aho.

Oh, an-dàlana ho any amin'ilay tany
nampanantenaina aho,

An-dàlana ho any amin'ilay tany
nampanantenaina aho;

Oh, iza no ho avy ka handeha hiaraka amiko?

An-dàlana ho any amin'ilay tany
nampanantenaina aho.

Rahoviana aho no hahatratra an'io toerana feno
fahasalamana io,

Ka ho voatahy mandrakizay!

Rahoviana aho no hahita ny tavan'ny Raiko,
Sy ho eo an-Tratram-pitsaharany?

Oh, an-dàlana ho any amin'ilay tany
nampanantenaina aho,

Oh, an-dàlana ho any amin'ilay tany
nampanantenaina aho;

Oh, iza no ho avy ka handeha hiaraka amiko?

An-dàlana ho any amin'ilay tany
nampanantenaina aho.

Manerana an'ireo lemaka malalaka be
 No mamiratra ny andro mandrakizay iray;
 Andriamanitra ilay Zanaka no manjaka ao
 mandrakizay,
 Ka manaparitaka ny alina hiala.

An-dàlana ho any amin'ilay tany
 nampanantaina aho,
 An-dàlana ho any amin'ilay tany
 nampanantaina aho;
 Oh, iza no ho avy ka handeha hiaraka amiko?
 An-dàlana ho any amin'ilay nampanantaina
 aho...

²⁶¹ Ndao isika hihira an'izany fotsiny indray, ka raiso tànana ny olona manodidina anareo.

An-dàlana ho any amin'ilay tany
 nampanantaina aho,
 An-dàlana ho any amin'ilay tany
 nampanantaina aho;
 Oh, iza no ho avy ka handeha hiaraka amiko?
 An-dàlana ho any amin'ilay tany
 nampanantaina aho.

²⁶² Ankehitriny, tsy misy aloky ny fisalasalana iray, ny tsirairay avy aminareo izay nanaiky an'i Kristy, ka mahafantatra fa nateraky ny Fanahy indray ianareo, dia ndao isika hanangana ny tànantsika ankehitriny ka hihira.

An-dàlana ho any amin'ilay tany
 nampanantaina aho,
 Eny, an-dàlana ho any amin'ilay tany
 nampanantaina aho;
 Oh, iza no ho avy ka handeha hiaraka amiko?
 An-dàlana ho any amin'ilay tany
 nampanantaina aho.

²⁶³ Efa tsy nahita an'io nandritry ny ela aho. Ry tompokovavy, takaro ny ao anatin'ny poketranareo ka makà mosara iray. Ry tompokolahy, takaro ny ao amin'ny paosinareo ka avohay ny mosaranareo. Ankehitriny dia hanolotra fanatitra ahevaheva ho an'ny Tompo isika. Eny àry, isika rehetra miaraka, hanofahofa isika toy ny hoe miditra ao Kanana isika ankehitriny, ahofahofaho ny mosaranareo. Eny àry, ankehitriny.

An-dàlana ho any amin'ilay tany
 nampanantaina aho,
 An-dàlana ho any amin'ilay tany
 nampanantaina aho;
 Oh, iza no ho avy ka handeha hiaraka amiko?
 An-dàlana ho any amin'ilay tany
 nampanantaina aho.

²⁶⁴ Ankehitriny, raha misy olona iray eto izay tsy nanao ny fifidianany sy ny antsony ho azo antoka, ka te-ho avy raha mbola mihira an'izany indray isika, hamoaka ny mosaranareo ve ianareo ka hanofahofa miaraka aminay indray. Misokatra ny vavahady ankehitriny, maimaim-poana ireo tapakila. Tsy ho avy ve ianareo? Miakara ao amin'ilay sambon'i Ziona trrainainy, miainga izy, mihetsika. Ndao isika handeha.

An-dàlana ho any amin'ilay tany
 nampanantenaina aho, (tsy ho ela izany)
 Oh, an-dàlana ho any amin'ilay tany
 nampanantenaina aho;
 Oh, izo no ho avy ka handeha hiaraka amiko?
 An-dàlana ho any amin'ilay tany
 nampanantenaina aho.

²⁶⁵ Raha manondrika ny lohantsika isika:

Hitovy amin'i Jesosy, hitovy amin'i Jesosy fotsiny,
 Eto an-tany dia maniry ny hitovy Aminy aho;
 Mandritry ny diam-piaainana rehetra avy eto an-
 tany hatrany amin'ny Voninahitra
 Dia mangataka fotsiny ny hitovy Aminy aho.

Avy teo amin'ny fihinanam-bilon'i Betlehema no
 nivoaka ny Vahiny iray,
 Eto an-tany dia maniry ny hitovy Aminy aho;
 Mandritry ny diam-piaainana rehetra avy eto an-
 tany hatrany amin'ny Voninahitra
 Dia mangataka fotsiny ny hitovy Aminy aho.

²⁶⁶ Aza adino amin'ny Alahady. Aza adino amin'ny Alarobia hariva dia favoriam-bavaka. Tsarovy, mivavaha betsaka, mivavaha ho ahy, mivavaha ho an'ny pasiteranareo, mivavaha ho an'ny mpiara-monina aminareo, ireo diakonareo, ireo mpitantan-draharahanareo, mivavaha mba hanao ny Lâlany miaraka amintsika rehetra Andriamanitra.

Hitovy amin'i Jesosy, hitovy amin'i Jesosy,
 Eto an-tany dia maniry aho (izany no fanirian'ny
 foko) ny hitovy Aminy; (tsy azo tsara)

Tsarovy, Andriamanitra . . . ? . . . Tsy izany ve no fanirianareo?
 Eritrereto izany.

. . . avy eto an-tany hatrany amin'ny Voninahitra
 Dia mangataka fotsiny ny hitovy Aminy aho.

[Manomboka misamonomonona ny *Hitovy Aminy*
 Rahalahy Branham—Mpand.] . . . manetry tena
 sy tsotra,
 Eto an-tany dia maniry fotsiny ny hitovy Aminy
 aho;

Mandritry ny diam-piaainana rehetra avy eto antany hatrany amin'ny Voninahitra
Dia mangataka fotsiny ny hitovy Aminy aho.

²⁶⁷ Miaraka amin'ny lohanareo miondrika ankehitriny, sy ny masonareo mikimpy, ary ny fonareo mifantoka amin'Andriamanitra. Hiantso ny sakaizako sarobidy, tsara isika, Rahalahy Roy Borders, avy any California, raha tsy hanana izy...hanonona ny tso-drano ho eo amin'ity fivoriana ity. Rahalahy Borders.



ANDRIAMANITRA TSY AZO TSARA MAG61-0723E
(God Being Misunderstood)

ANDIAN'NY FITONDRANA, LAMINA ARY FOTO-PAMPIANARAN'NY FIANGONANA

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 23 Jolay, 1961, tao amin'ny Branham Tabernacle ao Jeffersonville, Indiana, U.S.A., dia nalaaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org